



類函十一



卷二十歲時
三十一歲時
三三地一

470^B
427
11





此係明治八年八月廿八日
由諸君山田一人所購
以贈資



淵鑑類函卷二十一

歲時部十 熱 寒

熱一

原釋名曰熱熱也言如火所熱也一又曰暑煮也如煮物也 說文曰溽濕暑也 易曰日月運行一寒一暑

增又曰寒往則暑來暑往則寒來 **原**易通卦驗曰

離氣見立秋分則歲大熱 京房易飛候曰有雲大如車蓋十餘此陽水之氣必暑有暍者 **增**易稽覽圖曰

夏至之後三十日極溫 尚書曰曰哲時燠若 毛詩曰誰能執熱逝不以濯 **原**禮記月令曰季夏之月土

歲時部

淵鑑類函卷二十一

熱

潤溽暑 **增**又曰仲秋行夏令則其國火災寒熱不節
白虎通曰夏至陰始起反大熱何也陰起陽氣推而
上故大熱也 又曰至人神矣入大澤不濡焚而不能
熱也 **原**五經通義曰冬至陽動於下推陰而上之故
寒於上夏至陰動於下推陽而上之故大熱於上 又
曰日在牽牛則寒日在東井則暑牽牛外宿遠人故寒
東井內宿近人故溫也 漢書西域傳曰罽賓國道歷
大小頭痛之山赤土身熱之坂令人身熱無色頭痛嘔
吐 管子曰善為國者使農寒耕而熱耘 淮南子曰
南方之極自北戶之界至炎風之野赤帝祝融之所司

增又曰熱焦沙寒凝水

原抱朴子曰或問不熱之

道曰服元冰九飛雪

一作霜

散帶六壬六甲符王仲都等

用此方也

山海經曰壽麻之國爰有大暑不可以往

神異經曰北方層冰萬里厚百丈有磳鼠在冰下土

中其形如鼠食冰草木根肉重萬斤可以作脯食之已

熱 括地圖曰天毒國最大最熱夏草木皆乾死民善

沒水以避日入時常入寒泉之下

增廣州志曰南方

炎洲氣薰數萬里為瘴 禮斗威儀曰君喜怒無常時

則常熱

原

楚辭曰魂兮歸來東方不可以托十日代

出流金鑠石

增

景福殿賦曰感乎溽暑之伊鬱而慮

性命之所平

熱二

增淮南子曰武王陰喝人於柳下而天下懷 **世說**曰

武王見喝人王自左擁而右扇之 **原**桓子新論曰元

帝被病廣求方士漢中逸人王仲都者詔問所能為對

曰但能忍寒暑耳因為待詔至夏暑日使曝坐又環以

十爐火不言熱而身汗不出 **增**後漢書馬援傳曰馬

援征武陵五溪蠻進營壺頭賊乘高守隘水疾船不得

上會暑甚士卒多疫死援亦中病遂困乃穿岸為室以

避炎氣 **武陵記**曰壺頭山邊有石窟即援所穿室也

室內有蛇如百斛船大云是援之餘靈也 **益州記**曰

瀘水即武侯渡處水有熱氣暑天不敢行 **原**抱朴子

曰洪從祖先公每大醉及夏天盛熱輒入深水底竟日

乃出者正以能閉氣胎息故耳 **語林**曰劉真長見王

公王公了不與語時大熱以腹熨石局 **梁書**曰鄭

灼字茂昭勵志好學多苦心熱若瓜時輒偃卧以瓜鎮

心便起讀誦其勵志如此 **唐書**曰太宗欲幸九成宮

馬周上疏曰宮去京三百里本為避暑行也太上皇留

熱處而陛下走涼處溫清之道臣所未安太宗善其言

博異志曰岑文本避暑山亭忽有報上清童子元寶

衣淺服青衣曰此上清五銖服出門不見伺之東行數步於院牆下瞥然而沒文本命工力掘之古墓中得古錢一枚文本方悟上清童子是青銅名元寶錢之文也廬陵宮下記曰明皇起涼殿拾遺陳知節上疏極諫上令力士召對時暑毒方甚上在涼殿座後水激扇車風獵衣襟知節至賜坐石榻陰雷沉冷仰不見日四隅積冰成山簾水飛灑坐內含凍復賜冰屑麻飯陳體生寒粟腹中雷鳴再三請起方許上猶拭汗不已陳纔及門遺洩狼藉逾日復召謂曰卿論事宜審勿以己方萬乘也西陽雜俎曰申王有肉疾腹垂至骭明皇詔南

方取冷蛇數條賜之蛇長數尺色白不螫人執之冷如握冰申王腹有數約夏月置於約中不復覺煩暑神異經曰文宗延學士於內庭討論經義李訓講周易微義頗叶於上意時方盛夏遂命取冰玉腰帶及辟暑犀如意以賜訓訓謝之上曰如意足以與卿為談柄也撫言曰韋澳孫宏大中時同在翰林盛暑上在太液池中宣二學士既赴召中貴人頗以絺綌為訝初殊未悟及就坐但覺寒氣逼人熟視有龍皮在側尋宣賜銀餅餽食之甚美既而醉以醇酎二公因茲苦河魚者數夕上笑曰卿不耐事朕日進十數未嘗有損銀餅餽皆乳

酪膏腴所製也

熱三

煎沙

鑠石

賈誼旱雲賦云隆威暑而無聊兮煎沙而鑠石而爛熳兮陽風至而含熱兮羣生悶懣

害而愁

抱朴子云朱臙鑠石不能靡蕭丘之木

此

露汗 扇猶露汗謝世說嘉賓三伏日詣謝公當風交

寒溪

熱坂 武昌故曰樊山東有小溪夏時凜然

赫風灼宇

炎氣燎房 潘岳狹室賦云當祝融之御

夫釋耘

大暑賦 風雲鬱其如火 天地赫以為爐 耕

當秦穆公二庚之日

思葛稚川六甲之符

冷

蛇 冰鼠

熱四

原瘴暑

詩曰我反凍 莊子曰喝者 如惓 燎也言熱如

燒如熏

重熏灼爛也 暑雨 暑夏 炎炎 滌滌 並旱

赫日

火雲 恒燠 溽暑 毒暑 避石室 馬援

暑詳熱二

升山陵 令 獸喘氣 烏戢翼 並見劉公

寒甚生熱

黃帝問岐伯曰夫寒其則生於熱 至後為熱 春秋

方物動於上

故至日後為熱 焦金爛石 六月徂暑

詩 九日重光

曹植大暑賦曰映扶桑 熙天灼地 咸

羽扇賦云熾九日之隆

赫然高燎於沸海焦陵 見傳咸

扶桑熱熙天而灼地

沸巨海而成湯 熱

歲時部

熱

熱

熱

熱

熱

熱

熱

熱

熱

海沸礫爛見曹植大暑賦海沸砂融傅元雜詩云大暑時

草木垂幹見曹植大暑賦衽席焚灼見王粲大暑賦體怒如鑠汗

揮如雨潘岳狹室賦云沸體怒其如鑠珠汗揮其如雨飲於三伏詳伏夏日

之陰萬物歸之雲漢之章言旱汗珠墮玉體見傅咸感涼賦

珠汗洽玉體見傅元詩

熱五

原詩晉傅元詩曰朱明運將極溽暑晝夜興裁動四肢

廢舉身若山陵珠汗洽玉體呼吸氣鬱蒸塵垢自成泥

素粉隨手凝 梁簡文帝苦熱詩曰六龍驚不息三伏

啓炎陽寢興煩几案俯仰倦幃牀滂沱汗似鑠微靡風

如湯洄池愧生浪蘭殿非含霜細簾時半捲輕幌乍橫

張雲斜花影沒日落荷心香願見洪崖井詎憐河朔觴

梁任昉苦熱詩曰旭旦煙雲捲烈景入東軒傾光望

轉蕙斜日照西垣既捲焦梧葉復傾葵藿根重簟無冷

氣挾石如懷溫霖霖類珠綴喘嚇狀雷奔 梁何遜苦

熱詩曰昔聞草木焦今睹沙石爛曠曠風逾靜曠曠日

漸旰習靜悶衣襟讀書煩几案卧思清露浥坐待高星

粲蝙蝠户中飛蠖蠓窗間亂寔無河朔飲空有臨淄汗

梁王筠苦熱詩曰日坂散朱零天隅斂青靄飛颺煥

南陸炎津通北瀨繁星聚若珠密雲屯似蓋月至每開

襟風過時解帶 梁劉孝威苦暑詩曰暮日苦炎溽遷
坐接階廊月麗姮娥影星含織女光棲禽動夜竹流螢
出暗牆香盤揉鮮粉雕壺承玉漿白羽徒垂握淥水自
周堂弱紈猶覺重織絺尚少涼弄風思漢朝戲雨憶吳
王元冰術難驗赤道漏猶長誰能更吹律還令黍谷涼
後周庾信苦熱詩曰火井沉熒散炎洲高燄通鞭石
未成雨鳴鳶不起風思為鸞羽扇願借明光宮臨淄迎
子禮中散就安豐美酒含蘭氣甘瓜開蜜筒 唐杜
甫熱詩曰雷霆空霹靂雲雨竟虛無炎赫衣流汗低垂
氣不蘇乞為寒水玉願作冷秋菰何似兒童歲風涼出

舞雩 又曰瘴雲終不滅瀘水復西來閉戶人高卧歸
林鳥却迴峽中都似火江上只空雷想見陰宮雪風門
颯沓開 又早秋苦熱詩曰七月六日苦炎蒸對食暫
餐還不能每愁夜中自足蝎况乃秋後轉多蠅束帶發
狂欲大叫簿書何急來相仍南望青松架短壑安得赤
脚踏層冰 又多病執熱奉懷李之芳尚書詩曰衰年
正苦病侵陵首夏何須氣鬱蒸大水淼茫炎海接竒峰
碑兀火雲昇思霑道暘黃梅雨敢望宮恩玉井冰不是
尚書期不顧山陰野雪興難乘 王維苦熱詩曰赤日
滿天地火雲成山岳草木盡焦捲川澤皆竭涸輕紈覺

衣重密樹苦陰薄莞簟不可近絺綌再三濯思出宇宙
外曠然在寥廓長風萬里來江海蕩煩濁却顧身為患
始知心未覺忽入甘露門宛然清凉樂 白居易時熱
少見客詠懷詩曰冠櫛心多懶逢迎興漸微况當時熱
甚幸遇客來稀濕灑池邊地涼開竹下扉露牀青篾簟
風架白蕉衣院靜留僧宿樓空放妓歸衰殘強歡宴此
事久知非 又香山避暑詩曰紗巾草履竹練衣晚下
香山踏翠微一路涼風十八里卧乘籃輦睡中歸 又
消暑詩曰何以消煩暑端居一院中眼前無長物窗下
有清風熱散由心靜涼生為室空此時身自得難更與

人同 錢起避暑納涼詩曰木槿花開畏日長時搖輕
扇倚繩牀初晴草蔓緣新筍頻雨苔衣染舊牆十旬河
朔應虛醉八柱天台好納涼無事始能知靜勝深垂紗
帳詠滄浪 李遠慈恩寺避暑詩曰香荷疑散麝風鐸
似調琴不覺清涼晚歸人滿柳陰 宋陸游劇暑詩曰
六月暑方劇喘汗不支持逃之顧無術惟望樹陰移或
謂當讀書或勸把酒卮或誇作字好蕭然却炎曦或欲
溪上釣或思竹間碁亦有出下策買簟傾家資赤脚踏
層冰此計又絕癡我獨謂不然願子少置思方今詔書
下淮汴方出師黃旂立轅門羽檄晝夜馳大將先擐甲

三軍隨指揮行伍未盡食大將不言飢渴不先飲水驟
不先告疲吾儕獨安居茂林蔭茅茨脫巾濯寒泉卧起
從其私於此尚畏熱鬼神豈可欺坐客皆謂然索紙遂
成詩便覺窗几間颯颯清風吹 范成大次韻溫伯納
涼詩曰日斜猶畏暑吏退合偷閒霞散紅綃薄溪迴碧
玉彎伴人惟羽扇娛客欠風鬟且復哦新句相嘲飯顆
山 明顧德輝湖光山色樓避暑詩曰天風吹雨過湖
去溪水流雲出樹間樓上幽人不知暑鉤簾把酒看虞
山

原賦漢繁欽暑賦曰暑景方徂時惟六月林鍾紀度祝

融司節大火颶光炎風酷烈沈陽騰射滯暑散越區寓
鬱煙物焦人渴煌煌野火熾薄中原翕翕盛熱蒸我層
軒溫風洪忍動靜增煩雖托陰宮罔所避旃粉扇靡效
宴戲斟酌庶望秋節慰我愁歎 魏曹植大暑賦曰炎
帝掌節祝融司方羲和按轡南雀舞衡蛇折鱗於靈窟
龍解角於皓蒼遂乃溫風赫戲草木垂榦山坼海沸砂
融礫爛飛魚躍者潛黿浮岸鳥張翼而近棲獸交游而
雲散于時黎庶徙倚綦布葉分機女絕綜農夫釋耜背
暑者不羣而齊跡向陰者不會而成羣於是大臣遷居
宅幽緩神育靈雲屋重構間房肅清寒泉湧流元木奮
歲時部

榮積素冰於幽館氣飛結而為霜奏白雪於琴瑟朔風感而增涼 魏劉楨大暑賦曰其為暑也羲和總駕發扶木太陽為輿達炎燭靈威參乘步朱轂赫赫炎炎烈烈暉暉若熾燎之附體又溫泉而沈肌獸喘氣於元景鳥戢翼於高危農畷捉鎛而去疇織女釋杼而下機溫風至而增熱歔悒惜而無依披襟領而長嘯冀微風之來思 魏王粲大暑賦曰惟林鐘之季月重陽積而上升喜潤土之溽暑扇溫風而至興獸狼望而倚喘鳥垂翼而弗翔遠昆吾之中景天地翕其同光征夫瘼于原野處者困于門堂患衽席之焚灼譬洪燎之在牀起屏

營而東西欲避之而無方仰庭槐而嘯風風既至而如湯于是帝后順時幸九峻之陰岡托甘泉之清野御華殿於林光潛廣室之邃宇激寒流於下堂重屋百層垂陰千廡九闥洞開周帷高舉堅冰常奠寒饌代敘 晉夏侯湛大暑賦曰若乃三伏相仍徂暑彤彤上無纖雲下無微風扶桑施其增熿大火煜其南升爾乃土墻墜圻谷枯川竭寒泉潛沸冰井騰沫洪液蒸於簞簟兮珠汗霑乎絺葛溫風翕其至今若洒湯于玉質沃新水以達夕振輕箑以終日 晉卞伯玉大暑賦曰惟祝融之司運赫溽暑之方隆日貞曜於鶉首律遷度於林鐘溫

風翕以晨至星火爛以昏中氣滔滔而方盛暑永路而難終流風兮莫繼朱煙兮四纏鬱邑兮中房展轉兮長筵體沸灼兮如燎汗流爛兮珠連 晉傅咸感涼賦曰踐朱明之中月暑鬱隆以肇興赫融融以彌熾乃沸海而焦陵獸竄伏於幽林兮鳥垂翼而弗升汗珠墮於玉體兮粉附身而沾凝於是景雲晨敷曜靈潛光陰氣聿升凱風載揚忽輕箑於坐隅兮思暖服於蘭房

寒一

增釋名曰寒捍也捍格也 說文曰靄寒也從雨執聲凜清寒也 易稽覽圖曰春夏寒政教急 京房易占

曰冬至之後三十日極寒 尚書曰曰謀時寒若 詩

曰一之日觶發也風寒 二之日栗烈也氣寒 又曰北風其

涼 禮記曰天地嚴凝之氣始於西南而盛於西北此

天地之義氣也 又曰仲春行秋令則寒氣總至 又

曰季冬之月命有司大儺以送寒氣 又曰孟冬行夏

令則國多風冬不寒 又曰季春行冬令則寒氣時發

草木皆肅 又曰仲冬行夏令則國多暴風冬不寒蟄

復出 禮運斗樞曰行失則雖當燠反寒 老子曰躁

勝寒靜勝熱 文子曰婦人當年不織天下有受其寒

者 管子曰大寒大暑大風大雨其時不至此謂四刑

淮南子曰北方有北極之山曰寒門積寒所在故曰寒門也 又曰夏蟲不可以語寒 又曰青女仲春二月之夕乃閉其寒 呂氏春秋曰見瓶水之冰而知天下之寒 述異記曰辟寒香丹國所出 神異經曰東南方海中有祖洲上有烜湖其內鱷魚出焉長八尺食之宜暑而避風寒之氣此魚狀即與江湖小鯽相類耳 西陽雜俎曰潯陽有青林湖鯽魚大者二尺餘小者滿尺食味美亦可止寒熱也 廣志曰挹婁國地寒人多穴居 楚辭曰蹕絕垠於寒門 大人賦云軼先驅於寒門

寒二

增太公金匱曰武王伐紂天陰寒雨雪十餘日 **原**穆天子傳曰庚寅北風雨雪天子乃休日中大寒有凍人天子作黃竹詩 詳雪 左傳曰楚莊王圍蕭申公巫臣曰師人多寒王巡三軍撫而勉之三軍之士皆如挾纊 晏子曰景公起大臺歲寒役之凍餒者有焉公延晏子坐飲酒樂晏子歌曰庶民之凍我若之何奉上靡弊我若之何歌終喟然流涕公止之曰子殆為大臺之役夫寡人將罷 **天** 尺子曰雨雪楚莊王披裘當戶曰我猶寒彼百姓賓客甚矣乃使巡國中求百姓賓客之無居宿

絕糧者賑之國人大悅 呂氏春秋曰衛靈公天寒鑿池宛春曰天寒恐傷民公曰何寒哉春曰君衣狐裘坐熊席四陲有火是以不寒民衣敝不補履決不葺君則不寒民則寒矣公曰善命罷役 又曰戎夷違齊如魯天大寒而後門與弟子宿於郭外寒逾甚謂弟子曰子與我衣我活我與子衣子活我國士也為天下惜死子不肖人也不足愛也子與我子之衣弟子曰夫不肖人又惡能與國士衣哉戎夷歎曰道不濟夫解衣與弟子夜坐而死 戰國策云田單為齊相過淄水有老人涉淄而寒不能坐沙中乃解裘衣之襄王曰單之厚施欲

取我國乎有貫珠者聞之曰不如因以為己善乃下令曰寡人憂民之寒而單解裘衣人稱寡人之意於是閭里相與語曰田單之愛人乃王之教也 韓子曰昔者韓昭侯醉而寢典冠者見君之寒也故加衣於君之上寢覺而說問左右曰誰加衣者左右對曰典冠君因兼罪典衣與典冠其罪典衣以為失其事也其罪典冠以為越其職也非不惡寒也以為侵官之害甚於寒也

洪範五行傳曰秦始皇九年四月寒凍民有死者

漢書曰上聞韓王信降匈奴上自將擊之連戰乘勝逐北至樓煩會天寒卒士墮指者十二三 增西京雜

記曰淮南王好方士皆以術見噓吸為寒暑

原東觀

漢記曰王郎起兵上自薊東南馳夜至蕪葦亭時天寒烈眾皆飢疲馮異上豆粥明旦上謂諸將曰昨日得公孫豆粥飢寒俱解

鍾離意別傳曰嚴遵昔與光武俱為諸生暮夜宿息二人寒不得寢卧更相謂曰後日豪貴憶此勿相忘別後數年光武有天下徵遵不至

謝承後漢書曰盛夏多寒韋彪上疏諫曰臣聞政治之本必須陰陽伏見立夏以來當暑而寒殆刑罰刻急郡國不時令之所致也

續漢書五行志曰初平四年六月寒風如冬時

月寒風如冬時

搜神記曰羅威事母孝天大寒常

以身自溫席授其處

詳

葛仙公別傳曰公與客談語

時天大寒仙公謂客曰居貧不能人人得鑪火請作一大火共致煖者仙公因吐氣火赫然從口中出須臾火滿屋客皆熱脫衣矣

增拾遺記曰嗽金鳥出昆明國

形如雀色黃常翱翔於海上魏明帝時其國來獻此鳥飴以珍珠飲以龜腦鳥常吐金屑如粟鑄之可以為器此鳥不畏霜雪乃起小臺處之名曰辟寒臺皆用水晶為戶牖使內外通光宮人爭以為吐之金用飾釵珮謂之辟寒金故宮人相嘲曰不服辟寒金那得帝王心不服辟寒鈿那得帝王憐

晉朝雜事曰大興四年大寒

傷民冰厚時王敦肆亂殺戮忠良 西陽雜俎曰魏使
 崔劭曰今歲奇寒江淮亦冰 天寶遺事曰開元二年
 冬至交趾國進犀一株色黃如金使者請以金盤置於
 殿中溫溫然有煖氣襲人上問其故使者對曰此辟寒
 犀也昔隋文帝時本國曾進一株直至今日上甚悅厚
 賜之 唐書曰錢徽拜左丞會宣墨麻羣臣在庭方大
 寒稍稍引避徽素恭謹不去立久而仆 杜陽雜編曰
 咸通九年同昌公主下降錫錢五百貫仍罄內庫寶貨
 以實其宅更賜金麥銀粟數斛堂設連珠之帳續真珠
 以成也却寒之簾類玳瑁有紫色云是寒鳥骨所為也

則未知何出 又曰同昌公主乘七寶步輦綴五色玉
 香囊貯辟寒香乃異國所獻也

寒三

原 雞始乳 馬如蝟 月令大寒之日鷄始乳

白鶴語 黃竹詩 異苑曰昔太康二年南州人見之

寒折骨 風截耳 應璩詩云嶺山寒折骨而目盡

龜鼉蟄 鱗甲潛 張衡應問曰溽暑至而龜鼉蟄

虹蟄火 龍藏金 表淑詠寒云魚戢鱗兮

寒四

挾纊 解裘 俱詳 金鳥 黃犀 俱詳

歲時部 綱鑑類事卷二十一 寒

積冰之選行積雨雪詩雨雪木冰左傳十三年

凌氣出口為凌兢甘泉賦曰馳聞入慘凜下陰潛

不堪月令寒氣總至人而耐游而耐寒者善熱生

寒太元經云陽不極則陰不萌致誦道則陽亦不冬德

寒呂氏春秋曰冬之德寒生不信其地不成剛地不

不信成剛則凍閉不開天地之大四時之化而猶不能以

條又况人乎魚矜鱗鳥失條而并陵今鳥登木而失

生五穀鄒子吹律召溫凍入地廣雅北地苦寒冰

寒中人楚詞薄寒冰作糜魏武帝苦寒行曰人馬同

作糜糜冰作漿作漿軍士冰冰漸軸文子轍含冰以凝雪

掩路文子晨風淒以激御狐貉文子御狐貉曰

憂至寒之悽愴陰時慘陰則時慘嚴氣升焦溪

亘溫泉冰雪賦天道有寒以成歲也故易日月運

成男坤道成乾道地氣為寒黃帝素問云地黍谷地

寒劉向別錄云燕有不周地寒周之國地寒龍涸常

寒復得脫襦袴將從七十六日發龍涸晝夜肅常寒不

減浴大寒括地大圖云二陽二食草木之根朔方之寒

厚子曰朔方之寒冰點蒼特寒漢書曰雲南郡有點蒼

積然月旁甚寒論衡曰河東項曼都好道學仙辭家

數里而止月凝冰結澗結澗苦寒行曰凝冰沈寒凝

之旁甚寒也凝冰結澗結澗苦寒積雪被長戀沈寒凝

歲時部尚監類稿卷三十一

尚監類稿卷三十一

尚監類稿卷三十一

尚監類稿卷三十一

海陸機連珠云烈火流金不能
寒不可勝寒不可忍烈不可勝寒不可忍
方謂康求席熙曰頭氣出為凌
凌血流成冰游獵諸郡志云龍碩字顯先太皇幸潯陽
頭割耳要候大駕於道以叩冰結袴內
劉流之與殷曰雨霰相成冰寒破肌骨
隨冰結袴內水流領下寒破肌骨
熊所堪老寒入肌膚風角云大寒
其子襄相齊身送之無鹽飲酒將士戰瘞
高勅書讓充國曰今冬虜皆當畜食多藏匿山中依險
阻將軍士寒手足戰瘞寧有利哉案文穎曰戰折裂也
瘞寒也扶木顛悴
創也

風飄寒園果墮重衾無暖
水枝幹摧折張華詩云重衾無薄被知
寒自元雜詩云浮雲含秋氣悲風坐衣履不完
郭先生困飢寒飢寒並至
衣履不完蔡邕文侯云居處浮漂如樹
魚魚辟寒神異經
八尺可以為胡貉能寒
厚六尺獸毳毛其飲酪其人方士忍寒
密理鳥獸毳毛其飲酪其人方士忍寒
士王仲都認問何所能對曰能忍寒乃於盛寒日載以
駟馬車於昆明池上環冰而走御者厚衣狐裘甚寒而
無變色夷人辟寒
故夷人冬急恒寒若
則辟寒急恒寒若
小民怨咨民惟曰怨咨
小民怨咨君子齋戒
歲時部嶺南負函卷三十一
寒

靡出雪賦也 裸壤垂繒賦 婦子入室嗟我婦子曰為改

也 凍者假衣莊子夫凍者 人馬凍死漢王莽鑄威斗

死 鳥雀毒害漢竇武上表曰今日大寒過節 寒野指

墮漢北苦寒之野墮 水澤腹堅 嚴凝之氣詳寒 感發

之風詳寒 淒其以風也 巢居知風寒 稜稜霜氣

藪藪風威 大寒冰水道魏志云文帝黃初六年文

入乃還 大凌破河橋晉朝籍事云永寧二年 箕颺振

地作哀號箕颺振地作 畢陰駭增高 凜厲寒氣升曹

冬賦 戎馬粟不暖 朱火青無光 火見清風戒寒

而修城郭注火見而清風戒寒清風至 日在牽牛則寒五

滯兮潛天陽 嚴澌結兮悲海陰並表淑 曾子耕天

寒不得歸琴操云曾子嘗耕于太山之 下遭天雨 嚴遵

學夜寒不得寢詳寒 魏文入淮是歲大寒魏志 桓元

入宮是月酷寒晉中興書云桓元入建康宮 逆風迅激

益房有寒出裘衣之賈子曰楚莊王益房而立 愀

姓何乃出府 范叔一寒取袍賜之史記曰范雎相秦 雖

賈賈驚曰范叔一寒至此

哉乃取一縑袍以賜之

寒五

增詩唐杜甫前苦寒行詩曰漢時長安雪一丈牛馬毛

歲時部

詩益頁

寒

寒縮如蝟楚江巫峽冰入懷虎豹哀號又堪記秦城老
翁荆揚客慣習炎蒸歲絺綌元冥祝融氣或交手持白
羽未敢釋 又曰去年白帝雪在山今年白帝雪在地
凍埋蛟龍南浦縮寒刮肌膚北風利楚人四時皆麻衣
楚天萬里無晶輝三足之鳥足恐斷羲和迭送將安歸
又後苦寒行詩曰南紀巫廬瘴不絕太古以來無尺
雪蠻夷長老怨苦寒崑崙天關凍應折元猿口噤不能
嘯白鶴翅垂眼流血安得春泥補地裂 又曰晚來江
門失大木猛風中夜飛白屋天兵斬斷青海戎殺氣南
行動坤軸不爾苦寒何太酷巴東之峽生凌漸彼蒼迴

韓人得知 宋劉克莊苦寒行詩曰十月邊頭風色惡
官軍身上衣裘薄押衣勅使來不來夜長甲冷睡難著
長安城中多熱官朱門日高未啓關重重帷薄施屏山
中酒不知屏外寒 楊萬里前苦寒歌詩曰四大海潮
打清淮三萬里風平地來龜山橫身攔不住潮波怒飛
風倒回欲晴不晴雪不雪并作苦寒凍人絕古寺大鐘
十字裂東山石崖一峰壓勸君莫出君須出冰脫君髯
折君骨 後苦寒歌詩曰白鷗立雪脛透冷鷓鴣避風
飛不正一雙野鴨欺晚寒出沒冰河底心性絕憐紅船
黃帽郎綠蓑青箬牽牙檣生愁墮指脫兩耳蘆花亦無

何許藏遺騎前頭買乾荻速烘焙火與一炙三足老鴉
不肯出看雲訴天天不泣 明袁凱苦寒行詩曰雨雪
雨雪淒風如刀我行中野而無緼袍我寒我飢誰復我
知四無人聲但聞熊羆熊欲攫我羆欲敗我我身笄笄
進退不可進固難矣退亦何止還望舊鄉遠隔江海江
波湯湯海波洋洋我思我鄉死也可忘 高啓京師苦
寒詩曰北風怒發浮雲昏積陰慘慘愁乾坤龍蛇蟠泥
獸入穴怪石凍裂生皴紋臨滄觀下飛雪滿橫江渡口
驚濤奔空山萬木盡立死未覺陽氣回深根茅簷老父
坐無褐舉首但望開晴暉苦寒如此豈宜客嗟我歲晚

飄羈魂尋常在舍信可樂牀頭每有松醪存山中炭賤
地爐煖兒女環坐忘卑尊鳥飛欲斷况無友十日不敢
開衡門竭來京師每晨出強逐車馬朝天闔歸時顏色
暗如上破屋暝作飢鶩蹲陌頭酒價雖苦貴一斗三百
誰能論急呼取醉竟高卧布被絮薄終難溫却思健兒
戍西北千里積雪連崑崙河冰踏碎馬蹄熱夜斫堅壘
收羌渾書生只解弄口頰無力可報朝廷恩不如蚤上
乞身疏一裝歸釣江南邨

原賦晉傅元大寒賦曰五行條而竟驚兮四節奔而電
逝諒暑往寒來兮十二月而成歲日月會於析木兮重

陰淒而增肅彩虹藏於虛廓兮鱗介潛而長伏若乃天
地凜烈庶極氣否嚴霜夜結悲風晝起飛雪山積蕭條
萬里百川明而不流兮冰凍合於四海扶木憔悴於湯
谷若華零落於濛汜 梁裴子野寒夜賦曰何四序之
平分處修冬而多慮眷搖落兮遵盡悲荏苒其云除日
晚晚而易潛夜悠長而難曙既而庭流皓月階被凝霜
風吹衣而慄慄氣空積而蒼蒼襲重裘而弗煖熾朱火
兮無光門蕭條而晝闌夜寂寞兮無人疏三徑以負汲
結二耦而為賓 **增**唐趙自厲寒賦曰儒有討混元搜
綿祀既觀寒暑之終亦測興伏之始覘風驚於一葉委

時換乎千里寒之厥狀自茲而起若夫大火宿藏青霜
晨烈則蜀井煙閉漲海氛滅長河天浹綴珠崖而生冰
幽朔地窮濛飛沙而雨雪乃知蘇武增感李陵愁絕聽
胡笳以攪思儷漢庭之叱別及幽林風掃時物霜殘柔
條危勁奧室淒寒有美人而心恍惚情怵悼而靡安陰
凝柳塞怨龍庭之路隔月透羅幌憐鴛衾之夜闌屣銀
階之悄悄雪珠淚之珊珊縫筐筥之紈素寄戎幕之艱
難別有陸沉之子廁跡荒藪器宏偉而可觀命屯剝而
不偶當其時也趨炎俯僂伺瞰噓吸無詩人卒歲之衣
雨泉客將離之泣豈祁寒而致憾亦遭時而不息終乖

挾纊之暄更悲絺袍之及層冰涸溜家生則悒悒而相望皓雪盈門袁子則茹悲而於悒

原謠晉夏侯湛苦寒謠曰惟立冬之初夜天慘慄以降寒霜皚皚以被庭冰澹灑於井榦草撼撼以疏葉木蕭蕭以零殘松隕葉於翠條竹摧柯於綠竿

原表陳王曹植表曰臣聞寒者不貪尺玉而思短褐飢者不願千金而美一餐夫千金尺玉至貴而不若一餐短褐者物有所急也

淵鑑類函卷二十一

淵鑑類函卷二十二

歲時部十一

旱 豐稔

水澇

救水災附 凶荒 飢附

旱一

增尚書曰曰僭恒暘若

原洪範五行傳曰旱所謂常

陽不謂常陽而謂旱者以為災也旱之為言乾萬物傷而乾不得水也君持亢陽之節暴虐于下興師旅勤眾勞民以起城邑臣下悲怨而心不從故陽氣盛而失度故旱災應也 毛詩曰倬彼雲漢昭回于天王曰於乎何辜今之人天降喪亂饑饉薦臻靡神不舉靡愛斯牲圭璧既卒寧莫我聽旱既太甚蘊隆蟲蟲不殄禋祀自

郊徂宮上下奠瘞靡神不宗旱既太甚滌滌山川旱魃
為虐如惓如焚我心瘴暑憂心如熏 韋曜毛詩問曰
雲漢之詩旱魃為虐傳曰魃天旱鬼也箋曰旱氣生魃
天有常神人死為鬼不審旱氣生魃奈何答曰魃鬼人
形眼在頂上天生此物則將旱也天欲為災何所不生
而云有常神者耶 **增**禮記月令曰仲春行夏令則國
乃大旱煖氣早來 **原**周禮曰司巫掌羣巫之政令若
國大旱則率巫而舞雩 **增**又曰女巫掌歲時祓除釁
浴旱暵則舞雩左傳曰龍見而雩穀梁曰雩者為旱求
也 **原**春秋考異郵曰旱之言悍也陽驕蹇所致也

春秋繁露曰水干土則大旱 **增**續漢書曰郡國旱公
卿行雩禮求雨閉諸陽門衣皂衣興土龍立土人舞童
二佾七日一處 又曰郡國旱各掃除社稷公卿官長
以次行雩禮求雨也 **增**管子曰春不收枯骨朽齒伐
枯木而去之則夏旱至矣 **增**莊子曰大旱金石流土
山焦而不熱 **原**山海經曰秦華之山削成而四方有
蛇名曰肥遺六足四翼見則天下旱 又曰東荒北隅
有山名土丘應龍處南極殺蚩尤夸父不得復上故下
數旱旱而作龍應之乃得大雨 黃帝占書曰日中三
足鳥見者大旱赤地 師曠占曰歲欲旱旱草先生旱

歲時部

續漢書卷三十一

旱

草者蒺藜也 京氏別對災異曰久旱何曰人君無施澤惠利于下則致旱也不救即蝗蟲殺穀其救也省適罰行寬大惠兆民勞功吏賜鰥寡廩不足 神農求雨書曰春夏雨日而不雨甲乙命為青龍又為火龍東方小童舞之丙丁不雨命為赤龍南方壯者舞之戊己不雨命為黃龍壯者舞之庚辛不雨命為白龍又為火龍西方老人舞之壬癸不雨命為黑龍北方老人舞之如此不雨潛處闔南門置水其外開北門取人骨埋之如此不雨命巫祝而暴之不雨神山積薪擊鼓而焚之神異經云南方有人長二三尺袒身而目在頂上行走

如風名曰魃所見之國大旱赤地千里一名貉遇者得之投溷中乃死旱災消也

旱二

增尸子曰湯之救旱也乘素車白馬著布衣身嬰為牲禱于桑林之野 世說曰湯時大旱七年雒川竭煎沙爛石乃使持三鼎祝山川教祝曰政不節耶使人疾耶賄賂行耶讒夫昌耶宮室崇耶女謁盛耶何不雨之甚耶 **原**洪範五行傳曰魯桓公五年大雩旱也先是公弑君而立有自危之心而下有怨懟之氣外結大國娶于齊以為夫人後比二年天子使大夫來聘極上得天

子意憑大國之心則有亢陽之意以御臣下興邢丘之役以勞百姓則臣下離心而不從故應是而秋大旱

增又曰魯宣公十年秋大旱時公興師與齊伐葉夫伐

國亢陽蓋師旅百姓所不欲也應時大旱 **原**左傳曰

衛大旱卜有事于山川不吉甯莊子曰昔周饑克殷而

年豐天其或者欲使衛討邢乎從之師興而雨 又曰

夏大旱公欲焚巫尪臧文仲曰非旱備也脩城郭貶食

省用務稼勸分此其務也巫尪何為天欲殺之則如勿

生若能為旱焚之滋甚公從之是歲饑而不害 韓子

曰晉公使師曠奏清徵師曠曰清徵不如清角平公曰

清角可得聞乎師曠曰君德薄不足以聽之聽之將恐

有敗公曰寡人老矣所好者音願遂聽之師曠不得已

而鼓之一奏之有雲從西北方起再奏之大風至大雨

隨之裂帷幕破俎豆墮廊瓦坐者散走平公恐懼伏于

廊室晉國大旱赤地三年平公之身遂癘病 左傳曰

鄭大旱使屠擊有事於桑山斬其木不雨子產曰有事

于山藝山林也而斬其木其罪大矣 晏子曰齊大旱

公召羣臣問曰天不雨久矣民且飢色吾使人卜之崇

在高山廣澤寡人少賦斂以祠靈山可乎羣臣皆莫有

對者晏子進曰不可祠此無益也夫靈山固以石為身

以草木為毛髮天久不雨髮將焦身將熱彼獨不欲雨乎祠之何益 家語曰孔子在齊齊大旱春饑哀公問于孔子曰旱如之何孔子曰凶年則乘駑馬力役不興馳道不脩祈以幣玉祭事不懸祀以下牲此則賢君自貶以救民之禮也 禮記曰歲旱穆公召縣子而問焉曰天久不雨吾欲暴尪而奚若曰天則不雨暴人之疾子虐毋乃不可與然則吾欲暴巫而奚若曰天則不雨而望之愚婦人于以求之毋乃已疏乎徙市則奚若曰天子崩巷市七日諸侯薨巷市三日為之徙市不亦可乎 莊子曰梁君出獵見白鴈羣君欲射之道有行者

駭之君怒欲射行者其御公孫龍下車撫矢曰昔先公時大旱三年卜之以人祠乃雨公下堂頓首曰吾所以求雨以為民也吾自當之言未卒而天大雨方千里者何德于天而惠于民也今君王以白鴈而欲殺人乎 汝南先賢傳曰袁安為楚相會楚王英事互相牽引拘繫者千餘人三年而獄不決坐掠幽而死者百餘人天用災旱赤地千里安受拜即控轡而行既到決獄事人具錄其辭狀本非首謀為主所引應時理遣一旬之中延千人之命其時甘雨滂霑歲大豐稔 東觀漢記曰和熹鄧后稱制京師旱至五月朝太后幸雒陽寺省

庶獄舉冤囚社冷不殺人自誣被掠羸困使輿見畏吏不敢自理吏將去微疾舉頸若欲有言太后察視覺之即呼還問狀遂信即時收令下獄抵罪尹左遷行未還宮澍雨大降孔叢子曰子豐拜高第御史建初元年歲大旱乃上疏曰臣聞為不善而災報得其應也為善而災至遭時運也陛下即位日新視民如傷而不幸耗旱時運之會耳非政教之所致也昔成湯遭旱因自責減御損膳而大有年天意者陛下未為成湯之事焉天子納其言而從之三日雨即降轉拜黃門侍郎與東觀事會稽典錄曰夏香字曼卿永興人也為農夫香挺

然特立明果獨斷年十五縣長葛君出臨虛里會客飲宴時郡遭大旱香進諫曰昔殷湯遭旱以六事自責而雨澤應澍成王悔過偃禾復起自古先聖畏懼天異必思變復以濟民命令始懼天災縣界獨甚未聞明達崇殷周之德臨祭獨歡百姓枯瘁神祇有靈必不享也百姓不足君孰與足宜當還寺長即罷會身捐俸祿以贍飢民漢書曰東海孝婦少寡無子養姑甚謹姑告鄰人曰孝婦養我勤苦哀其無子守寡我老久累丁壯奈何後姑自縊死姑女告吏婦殺我母吏捕孝婦婦誣服郡掾于公爭之不得乃抱具獄哭于府上因辭疾去郡

中枯旱三年後太守至殺牛自祭孝婦冢因表墓天立
大雨歲熟郡中以此大敬重于公 增塵史曰朝奉郎
杜球言永熙幸佛寺塔廟禱雨至天慶三館起居因駐
輦問曰天久不雨奈何或對天數或對至誠必有應一
綠衣少年越次對曰刑政不脩故也上頷之而行歸復
駐輦召綠衣者問狀對曰其所守臣犯贓法當配宰相
以親則不配其所守臣犯贓不當死宰相以嫌卒罪之
翌日上為罷宰相天即大雨綠衣者即寇萊公也 又
曰鄭俠見荆公言青苗之害不答久之得監在京安上
門會大旱自十一月至於三月河東河北陝西流民大

入京師與城外飢民市麻糝麥麩為之糜或掘草根採
木實以食俠上疏曰今天下憂苦質妻鬻女父子不保
拆屋伐桑爭貨于市輸官糴米皇皇不給之狀繪為一
圖此臣安上門日所見百不及一陛下觀臣之圖行臣
之言十日不雨乞斬臣以正欺罔之罪

旱三

旱日

愆陽

詩曰其雨其雨杲日出人專

望雨而日出也

愆陽驕也

八月

七年

八月不雨則若不舉

呂氏春

未觀鶴鳴

且憂狼顧

詩曰嗚于垓將雨之候也

顧恐懼貌

憤歎

成陰

歡娛為旱

晉石衡問袁甫曰壽陽已東吳人也

歲時部

旱

旱

旱

夫亡國之音哀鼎足強邢一朝失職憤歎成陰陰積成

水故恒為旱故公羊曰魯信公甚悅故天厲流行

地財耗斲厲疾疫也詩耗斲下密雲徒自西郊

零雨未沾南畝雲重積而又散雨垂下而復收選文

東作既嗟於歲旱南山坐望於朝隳屯西郊之

雲且聞不雨廢南畝之稼豈望有秋仰夫膏雨已

愆天降之期望彼畢星未及月離之候習鑿石

流金俱楚詞旱備原有備無虞耗斲為災雖爽月

離之候

流行有備則無歲取之虞

旱四

原免稅水旱免稅令曰諸田有旱蟲霜處拘見營田州

課役俱免若桑麥損盡各免其所輸聽折來年經二年後不在折限其應免者通計參用為分數

耜不為災自十月至五月必後枯夫為稼於畝偏

歸樵爛而一漑之倬彼雲漢詩序雲漢美宣用汝

霖雨書若歲大旱時雨不降百穀不成五穀高田

不熟天時不齊禮記同年有天厲不戒野無青

草民且菜色詳後山陵不收水泉咸竭旱備

原千里之旱賈誼曰不幸自方二三三年之食禮曰

耕必有三年之食以三十年之通雖有凶恤入之心

救患之策愆陽為沴歲不順布布政有經眾無

歲時

附監頌函卷二十二

旱

匡懼

旱五

原詩晉李顯經過渴路詩曰言歸越東足逝將反上都
 後洹填中路改轍脩茲衢旦發石亭境夕宿桑首墟勁
 焱不興潤零雨莫能濡亢陽彌十旬涓滴未暫舒泉流
 成平陸結駟可迴車肇允相忘鱗翻為涸池魚咫尺不
 能移白日奄桑榆 梁庾肩吾奉和武帝苦旱詩曰陽
 山蛇不蟄洳澤鳥猶攢暫息流膏雨將似怨祁寒文衣
 夜不卧疏食晝忘餐潔誠同望祀惟馨等浴蘭江蘋享
 上帝荆璧奠高巒繁雲興岳立蒸穴動龍蟠渭渠還積

水漉池更起瀾

增

宋朱松久旱新歲乃雨詩曰高田

土可麓下田不受犁遺蝗憂插啄况乃麥未齊赤子天
 自憐溝壑忍見擠雨逐新歲來停雲忽淒淒莫辭三日
 霖為作一尺泥汪汪既沒膝灑灑仍拍隄漸看蓑笠出
 笑語喧畛畦我欲與寓目父老同攀躋此身羣萬生擾
 擾舞甕雞曾亦無幾求脫粟配羹藜永言故隴耕老眼
 路淒迷好收斂版手鋤耰歸自攜 楊萬里憫旱詩曰
 鳴鳩喚雨如喚晴水車夜啼聲徹明乖龍懶睡未渠醒
 阿香推熱呼不應下田半濕高全坼幼秧欲焦老差碧
 書生所向便四僻賣漿逢寒步逢棘還家浪作飽飯謀

歲時部

端監類卷二十二

旱

買田三歲兩無秋一門手指百二十萬斛量不盡窮愁
小兒察我慘不樂旋沽邨酒聊相酌更哦子美醉時歌
焉知飢死捐溝壑水車啞啞止復作 蘇軾久旱望雨
詩曰飢人忽夢飯甑溢夢中一飽百憂失只知夢飽本
來空未悟真飢定何物我生無田食破硯爾來硯枯磨
不去年太歲空在酉傍舍壺漿不容乞今年旱勢復
如此歲晚何以黔吾突青天蕩蕩呼不聞况欲稽首號
泥佛甕中蜴蜥尤可笑跂跂脉脉何等秩陰陽有時雨
有數民是天民天自卹我雖窮苦不如人要亦自是民
之一形容可以喪家狗未肯弭耳爭投骨倒冠落幘謝

朋友獨與蚊雷共圭萼故人嗔我不開門君視我門誰
肯屈可憐明月如潑水夜半清光翻我室風從南來非
雨候且為疲人洗蒸鬱寒裳一和快哉謠未暇飢寒念
明日

原頌漢東方朔旱頌曰維昊天之大旱失精和之正理
遙望白雲之艷淳滄曠曠而亡止陽風吸習而熯熯羣
生悶懣而愁憤隴畝枯槁而允布壤石相聚而為害農
夫垂拱而無為釋其耰鉏而下涕悲壇畔之遭禍痛皇
天之靡濟

原啓梁簡文帝謝敕示苦旱詩啓曰伏以九年之水不

傷堯政七載之旱無累湯朝歲弘則公田已脩農勤則我庾惟億今者亢陽以來爲日未久將恐督郵不黠失在汝南之守暴虐未收無傷河南之尹而載勞興居仰發歌詠無愛珪璧有事山川菲飲食矣加之以撤膳焉中夜不寐加之以申旦焉此唐虞之所闕如軒頊之所不逮

原書魏應璩與廣川長岑文瑜書曰頃者炎旱日更增甚砂礫銷鑠草木焦卷處涼臺而有鬱蒸之煩浴寒冰而有爍爛之燥宇宙雖廣無陰以憩雲漢之詩何以過此上龍矯首於元寺泥人鶴立於闕里脩之歷旬靜無

徵効明勸教之術非致雨之備也知恤下民躬自暴露拜起靈壇勤亦至矣昔夏禹之解陽旱殷湯之禱桑林言未發而水旋流辭未卒而澤滂霈今者雲重散而復積雨垂落而復收得無賢聖殊品優劣異姿乎

原文魏陳王曹植告咎文曰五行致災先史咸以爲應政而作天地之氣自有變動未必政治之所興致也于時大風發屋拔木意有感焉聊假天帝之命以誥咎祈福其辭曰上帝有命風伯雨師夫風以動氣雨以潤時陰陽協和庶物以滋亢陽害苗暴風傷條伊周是遇在湯斯遭桑林既禱慶雲克舉偃禾之復姬公走楚况我

歲時部

瑞監類函卷二十二

旱

皇德承天統民禮敬川岳祇肅百神享茲元吉釐福日
新至若炎旱赫羲廳風扇發嘉卉以萎良木以拔何谷
宜填何山應伐何靈宜論何神宜謁於是五靈振竦皇
祇赫怒招搖警怯櫬槍奮斧河伯典澤屏翳司風右呵
飛厲顧叱豐隆息廳遏暴元敷華嵩慶雲是興效厥年
豐遂乃沈陰決北甘澤微微雨我公田爰及予私黍稷
盈疇芳草依依靈禾重穗生彼邦畿年登歲豐民無餒
飢

雜賦

唐

撰人

名

關

驕陽賦

曰維皇穹之造物何靈鑒之不昭

寂然陰閉倏爾陽驕風行天而啓象水干土而成妖山

蛇則四翼呈歲日鳥則三足昇朝亭臯背春兮失色草
木先秋而欲凋螢飛火井蛙動陽廳嗟乎春之云滌山
之方焦旱如何其農爲足恤雲祁祁而始布日杲杲而
行出立嗇夫於丙丁命小童於甲乙春雷無聞奮豫夜
月罕當離畢阡陌之多稔不滋堯湯之下人斯疾是則
墳封孝婦東海之守非才囚繫冤囹河南之尹未黜

水滂一

雜禮

曰雨水不時

穀梁曰高下有水災爲大水也

水滂二

雜唐志

曰貞觀八年山東及江淮大水帝憂之問虞世

歲時

雜禮類

水滂

南世南對曰恐有冤獄在人宜省錄纍囚 又曰神龍
元年大水詔九品以上官直言極諫宋務先上書曰切
見自夏以來水氣勃戾天下多罹其災洛水暴漲漂損
百姓傳曰簡宗廟廢祠祀則水不潤下夫王者即位必
郊祀天地嚴配祖宗自陛下御極郊廟山川不時薦見
又水者陰類臣妾之道氣盛則水泉溢頃虹蜺紛錯暑
雨滯靈陰勝之沴也後廷近習或有離中饋之政干以
外政願深思大變杜絕其萌也 又曰韓滉以戶部侍
郎判度支大曆十二年秋大雨害稼十八京兆尹黎幹
言狀滉恐有所蠲貸固表不實代宗命御史行視實損

田三萬餘頃始渭南令劉藻附滉言部田無害御史趙
計按驗如藻言帝又遣御史朱敖覆實害田三千頃帝
怒曰縣令所以養民而田損不問豈卹隱之意耶即貶
為南浦員外尉計亦斥為豐州司戶員外參軍焉

水滂三

原班師 鼓衆 左傳水潦將降懼不得歸荀偃士句請
御船 伐鼓 漢建始三年秋京師相驚言大水至
後宮可御船王商曰自古無道水猶不冒城郭今政化
和平何由有水此必訛言俄而定鳳大慙晉書雨多
則禁祭用赤幘朱衣閉 **用牲** 免稅 秋大水鼓用牲
諸陰朱紫禁社伐赤鼓 **資舟** 韓魏圍晉陽決晉水以灌
也水損免 **懸釜** 之城中巢居懸釜而炊
稅具旱注 **水滂** 水滂
歲時

旱則資舟 湯湯 浩浩 書湯湯洪水方割注割害也

出平原 徙高地 平原出水為大水 輔公沙穆為弘

曉占乃預告百姓 舞商羊 歌瓠子 天將大雨商羊

鼓舞乃一足鳥 孔子曰齊將大水災也 漢書曰

災盛 敗其城郭 左傳公使弔宋災曰天子之歌 害於

城復于隍 岸變為谷 災既流行 水方洊至

洪河之決瓠子 滄海之變桑田 救水災 原 鯨堙

禹濬 書曰鯨堙洪水注堙塞也 禹貢濬畎 負薪

捧土 漢河內決瓠子令將軍以下皆負薪塞之 朱

沈石犀 投白馬 蜀郡水災太守李冰乃刻石為犀沈

于江浦以厭洪水水乃止 漢王尊

字子願為東郡太守河水盈汎浸瓠子金隄尊躬率吏

民投沈白馬以祭水神河伯尊執圭璧使巫祝請以身

填金隄因止 績弗成 費無已 鯨九載績用弗成

宿廬居隄 增甲培薄勞費無已 決九川 距四海 尚書注距至

數逢其害此下策也 海 竊壤以堙 積灰而止 山海經以堙洪水

于 子曰古者四極廢九州裂大水為害於 除九年之災

是女媧乃積蘆灰而止之故曰積灰也 軫其咨之念 軫恤

興萬人之利 屬方割之災 軫其咨之念 軫恤

人之心 開救物之志 既有備於流行 且無虞於

昏墊 宜務資舟之備 庶無懸釜之虞 夏禹濬川

人受賜矣 臺駘障澤帝用嘉之 禹隨山濬川人到于

有裔子昧為元冥師生允格臺駘宣 災同瓠子莫展

汾流障大澤帝用嘉之封諸汾州 水滂 災同瓠子莫展

計於負薪 水等孟津方效愚於捧土

水滂四

原霖 凡雨自三日 災穀梁曰災 傷稼 漢書和帝元

年十四年十五年 灌城 詳 堯九年 堯有九年 漢連

水多漂雨傷稼 漢書古今注光武六年九月 下水上騰 苦雨數

來 淫雨早降 月令雨水不時水潦為敗若雨數 水

潦不時 時以水潦之不 不辨牛馬 莊子曰秋水大至兩

變於魚鼈 辨命論曰空桑之里化為 龍鬪門外 鄭

水龍鬪于時 鼠巢樹上 詳 曾夔巢鵲 若雨詩水

白竈生鼃 上天降災下民昏墊 墊 上帝不弔

下民嗟怨 水潦方降 國乃大水

注船 水氣勃戾 詳二 三鴉谷水 龍 八年 鄧州三鴉口

塞谷 救水災 原 大防 大為 遠績 功 有能俾又

堯曰洪水方割有能俾又 注 不復為害 漢書王景字

詔遣與王吳共治水乃不復為害 發船徙避 漢武帝時

郡人 法堰流水乃不復為害 發船徙避 漢武帝時

乃多穿漕渠使人得 灌田分散 為魚之患 詳前禹

乃粒之功 禹治水畢 乃粒 為魚之患 詳前禹

增詩 宋唐庚江漲詩曰秋來雨似澆雨罷水如潮市改

水滂 水滂 水滂

依高岸津喧救斷橋雲陰哭鳩婦池溢走魚苗天意良
難測前時旱欲焦 又戊子大水詩曰踏歌喧喧雜鏡
鼓潭邊呼龍令作雨龍噴揮水十丈餘千邨萬落幾為
魚寄謝神龍且安處熟睡深潭不驚汝 又曰夜半傳
呼河入室攬衣下牀深沒膝舊來水不到譙門老巫歸
咎西門君西門君去老巫舞明年却娶河伯婦 元張
養浩行水災郊外詩曰雲駁踈陰漏田華矐矐晨色散
林鴉馬前怪底猶明月路轉滿川蕎麥花 方回十月
初三日水長二丈早行詩曰夜聞舟人呼江水溢二丈
岸新隨波流救者何攘攘亥子十月交地氣不當上十

日柱礎汗蠅蚊闕帷幌此時肯為雪豈不兆豐穰積熱
化滂沱傾空瀉盆盎前夕適醉卧不省船背響濤聲撼
醒枕于茲發孤想災方節候乖病叟體膚癢遑遑欲何
之曷日中國仰星斗猶粲然曉征發雙槳起視所泊處
餘燈煜蒼莽 吳萊吳中水滂詩曰客來自吳土示我
吳儂言吳儂歲苦水謂是太湖翻太湖四萬頃三江下
流洩疏淪久無人塢汙與海絕東風一鼓盪暴雷如頽
城屋靡蚌蛤上畦畎魚龍爭嘉種不得入種亦悉爛死
民事何所成食天俱在水

豐稔一

詩曰我黍與與我稷翼翼 尚書考靈曜曰春政不失五穀孳夏政不失甘雨時季夏政不失地無菑秋政不失人民昌冬政不失少疾喪五政不失百穀稚熟日月光明 春秋元命苞曰咸池主五穀其星五者各以其職以精委為國也 孝經援神契曰歲星守心年豐 廣雅曰年稔秋穀熟也 禮斗威儀曰君乘木而王則草木豐茂嘉穀並生

豐稔二

穀梁傳曰宣公十六年冬大有年五穀大熟 漢記曰鮑德脩志節有名績累官為南陽太守歲灾惟南陽

豐稔吏民愛悅號為神父 又曰建武二年秋天下野穀滋生麻菽尤盛或生蔬菜果實野蠶成繭山民收其絮採獲穀果以為蓄積 山海經曰鯨魚見則天下必大穰也

豐稔三

原農夫望歲

田祖祈年

閔閔焉如農夫之望歲 禮注祈年祈豐年田祖神農也

也

三時不害

五穀皆熟

左傳時和年豐 梁五穀皆熟為有年 夢

魚之兆

克殷之年

詩牧人乃夢衆維魚矣衆維魚矣 實惟豐年 昔周饑克殷而年豐

秋成無害

歲計有餘

滯穗斯積

餘糧不收

涇水長禾黍

斥鹵生稻粱

漢書云太始二年趙中大夫白公復秦穿渠引涇水

歲時部

辨監類卷三十一

豐稔

七

首起谷口尾入灤陽注渭中袤二百里因名曰白渠民
得其饒歌之曰涇水一石其泥數斗且溉且糞長我禾
黍與呂氏春秋魏襄王使史起為鄴令引漳水灌鄴田民
得與利為歌曰鄴有聖令為史公決漳水灌鄴旁終古
斥鹵令力田不如逢時躬稼徒欲望歲秋收三
日之困歲計十千之稅

豐稔四

原大有公羊有年以喜書也僅有年多稔詩曰豐年
亦足以當喜大有年豐稔也

順成順成之歲多稼多稼膏澤多豐餘糧

而不陳陳因穰穰年穀和熟豐千倉萬箱

求萬斯箱補敗補敗當喜高下皆熟

陵高下皆熟一縣徧熟益部舊傳曰趙瑤字元

齋戒請雨靈應穀石五錢漢書云官帝即位歲
一縣穀徧熟穀石五錢數豐稔穀石至五錢穀
石數錢恒天子新論云世俗咸曰漢文帝儉約脩道德躬
米流出門安里今三州米流出門粟敗不食漢書

帝之初國家無事天下富饒太倉之曾孫之稼如茨
葉陳陳相因至于腐敗不可食也

如抵如京農夫之慶寒溫節則年熟晏子云景
無擇曰魯之年穀何如對曰陰冰厥陽冰厚五寸公不
知以告晏子晏子對曰君子也問年穀而對冰禮也陰
冰厥陽冰厚五寸者寒溫節則收天雨穀歲大

熟妖占云天雨金歲大熟上容雞至則年穰南越
高與縣多容雞其形似龍掘見境大豐南浦口有蒲
雞而五采至則年穰似龍掘見境大豐南浦口有蒲
母養龍其尾因名龍掘祭祀得宜五穀豐禮積命
別人見之則境大豐也

子祭祝天地宗廟六宗五
岳得其宜則五穀豐登

子野曰吾欲知歲若樂善惡可知不
子野曰歲豐甘草先生甘草薺菜也

魏文帝歌詩云長安城西雙園關上有
熟一雙銅雀一鳴五穀生再鳴五穀熟

五穀熟臨海異物志云獨春鳴聲似春鳴
聲多者五穀薄鳴聲少者五穀熟

嘉穀並生詳豐君賢臣職五穀豐滋京氏別對歲

在辛酉乞漿得酒表子正正月黃氣其歲大熟物理

正月朔四方黃氣其歲大豐此
黃帝用事土氣均和四方大熟

易通卦驗云冬至之日見雲
從其鄉來歲美不災疫也

書曰靈帝光和六年井
中水厚尺餘冬大有年

新喻縣有水湍沸涌白沙如米兩岸各數十斛呼為
米砂以之候歲若一岸偏饒者則其方之鄉豐饒也

黃雲覆車五穀大熟東方朔別開江既田歲常豐熟

風俗通曰秦昭王使陳水為蜀郡太守開成
都兩江溉田萬頃無復水旱之災歲常豐熟

廩萬億及秭詩傳廩所以藏齋盛之穗也數萬至萬曰

以言穀我倉既盈我庾維億詩傳云亦大也萬億及秭

數多則萬物成萬物彼有遺秉此有滯穗詩云彼有不

成則倉庾充滿矣彼有遺秉此有滯穗詩云彼有不

斂穧彼有遺秉此有滯穗詩云彼有不

云成王之時百穀既多同齊熟收刈從遽力皆不足

而有不獲不斂遺秉滯穗

故聽矜寡取之以為利

豐稔五

詩宋陸游豐歲詩曰豐歲驪聲動四鄰深秋景氣粲

如春羊腔酒擔爭迎婦鼉鼓龍船共賽神處處喜晴過

歲時部

崇禎通志卷二十二

豐稔

甲子家家築屋赴庚申老翁欲伴鄉閭醉先辦長衫紫
領巾 王炎豐年謠詩曰滿箔春蠶得繭絲家家機杼
換新衣五風十雨天時好又見西郊稻秫肥 又曰洞
丁徭戶盡歸耕篁竹無人弄寸兵要識二天恩德廣黃
雲千里見秋成 又曰睡鴨陂塘水漫流離離禾稼滿
平疇共言官府催科緩飽飯渾家百不憂 又曰稻如
馬尾覆溝塍桑柘陰中雞犬鳴收穫登場便無事輪租
人不入州城 楊萬里江山道中蠶麥大熟詩曰黃雲
割路幾肩歸紫玉炊香一飯肥却破麥田秋晚稻來教
水牯卧斜暉 又曰新晴戶戶有歡顏灑繭攤絲立地

乾却遣縲車聲獨怨今年不及去年間

凶荒一

禮記曰凶年則乘駑馬祀以下牲 穀梁傳曰一穀
不熟謂之歉二穀不熟謂之饑三穀不熟謂之饑 夏
歸藏曰士無兼年之食遇天饑妻子非其妻子也大夫
無兼年之食國無兼年之食遇天饑百姓非所有也戒
之哉遇天饑輿馬臣妾非其有也 周書曰天有四殃
水旱饑荒其至無時非積畜何以待之 漢書曰歲饑
民貧卒食半菽 墨子曰百穀不收謂之旱三穀不收
謂之凶四穀不收謂之餽 音五穀不收謂之饑 淮南

子曰畜者欲歲之荒饑 博物志曰荒年暫辟穀法但食蠟半斤輒支十日不飢 河圖曰日月兩重暈者飢之祥也

凶荒二

增左傳曰五年春無冰梓慎曰今茲宋其饑乎歲在星紀而淫于元枵以有時災陰不堪陽蛇乘龍宋鄭之星也宋鄭必饑 又曰宋公子鮑禮于國人宋饑竭其粟以貸之年自七十以上無不饋飴也 漢書曰漢興接秦之弊諸侯並起民失作業而大饑饉米石五千人相食死者過半 又曰元帝二年齊地饑米石三千餘

英雄記曰幽州歲不登人相食有蝗旱之災民人始知採稻以棗椹為糧穀一石十萬錢公孫伯圭開置屯田稍稍得自供給 又曰建安七年鄴中大饑穀一石二萬錢 應豫立贊序曰王莽居攝以病告歸後赤眉賊攻其所居城糧盡以私穀數千萬斛賑城中數萬民莫不稱其仁 謝承後漢書曰趙典兄子溫遭歲大饑散家糧以賑窮餓所活萬餘人 王隱晉書曰永嘉五年洛中大饑五月摯虞飢死 崔鴻三十國春秋曰諸州自建武元年十一月不雨雪至十二年八月穀價踴貴金斤直米二升為流民者十有五六百姓嗷嗷人無

生賴 又曰建元元年襄國大饑穀二升直銀一斤肉
一斤直銀一兩 晉書劉琨與丞相牋曰夏則桑椹冬
則豎豆視此哀歎使人氣盡 又大興元年詔曰亢旱
穀貴百姓嗷嗷有資者貴糴貧羸之民益困漢世穀貴
官賤糴使價不超越謂之平準今雖無此可出關米萬
斛使三分減一以平其價令貧困者悉得足以至秋也
袁子正問滑釐曰今當凶年有欲與子隋侯之珠者
又有欲與子一鍾之粟者子將何擇釐曰吾取粟可以
救窮 六帖曰帝幸東都詔孝敬皇帝監國時關中饑
孝敬皇帝視廡下兵食有榆皮蓬食者帝悄然命家令

寺給米 又曰李勣破王世充密署東海郡公是時河
南山東大水隋帝令飢人就食黎陽倉吏不時發死者
日數萬 又曰楊於陵遷浙東觀察使越人飢請出米
三十萬石贍貧民 又曰長慶中浙東災癘拜丁公著
觀察使詔賜米七萬斛使賑飢用 又曰宋璟檢校貝
州刺史時河北水歲大饑三思使斂封植璟拒不與故
為所擠 五代史曰晉高祖皇后從帝北出行沙磧中
飢不得食遣隨行宮女從官採木實野蔬而食

凶荒三

原國虛

人散

五穀不熟其國乃虛
周禮野荒人散

困簾空

瓜麥

歲時部

綱鑑類纂卷三十二

凶荒

三

盡赤國語云越大夫種謀曰今吳既罷而荒大荐饑市無

案注赤米而困麓空虛其民必移就食蒲贏于東海之濱

漢記詳后蟲鼠為害方者為金斤斗粟 米斛萬錢東

少民饑饉黃金一斤易粟一斗 漢書高祖二年關中

大饑米 斛萬錢

凶荒四

荐饑左傳曰晉荐饑使乞糴於秦秦伯問百里奚與

仍饑見荒政周禮以荒政十二聚萬民一曰

謂輕租稅三曰緩刑四曰弛力注謂糧食也二曰薄征注

注公無私禁六曰去幾注去關市之征七曰省樂注藏樂器不

省吉禮八曰殺哀注謂省凶禮九曰蕃樂注藏樂器不

作十曰多昏注不備禮而昏娶十一曰索鬼注求財用

祀而脩十二曰除盜賊 荒式太宰以九式均節財用

注饑則多盜不可不去

節度也 荒 荒禮凶年 天災天災流行 力政凶年

政不均注地亦 貶食臧文仲曰貶食省用 就穀禮

廩人以歲上下數用凡民食上歲人四鬴中歲人三鬴

下二鬴若食人不能二鬴則移人穀注四鬴三鬴人

一月也 輸粟周禮大荒令邦國移人穀注四鬴三鬴人

委 施舍施恩惠 棄責國語天災則棄責薄斂市無

已責止 大殺不登 九穀不登政書云比年九穀不登

三麥不收曹植云太和三年大旱 蜂食民苗洪範云

秦昭王三十八年上郡大饑山 蟲鼠為害王洽臨吳

水盡死蜂食民苗無所食 二則供官也方 民飢

前民辭末相鬻賣一則救民也 瓜麥已盡也

今之要當課功受業又蟲鼠為害 瓜麥已盡也 民飢

告耀 國語云魯饑臧文仲以玉磬如齊告釋 民飢嗷嗷 東觀漢記云王莽末南方枯 民皆

嗷嗷 汝南先賢傳曰袁安為陰平長時年 米石二十

菜食 汝南先賢傳曰袁安為陰平長時年 士食藻菜 東觀漢記

又云王莽時雜陽米石二千 遺 民食桑榆 魏太尉司馬懿

長安鄧禹與戰敗走至高 藜藿給食 至建安元年其間四

五穀又無蔬菜比萬 藜藿給食 至建安元年其間四

民已無食桑榆皮者 藜藿給食 至建安元年其間四

董卓故塢中取棗藜藿以 藜藿給食 至建安元年其間四

為糧 英雄記云五穀不登 人民相食 東觀漢記曰王

相戰士相噉 英雄記云李灌等 膳不祭肺 歲凶年

食不兼味 歲凶君食不兼味廷道不除

祭祀不懸 馬不食穀馳道不除祭 山澤不賦 年

順成則天子素服乘素車食無樂君衣布裙木關梁

木實為酪 王莽時南方枯旱穀翔踴使民煮木實為

桑榆為飯 後漢袁術在壽春 民卒流亡 詩曰癯我饑

得就食 漢關中饑高祖令人 軍無見糧 祈年不應

歲惡不入 四阻防饑 百姓艱食 水旱為災

烝黎孔疚 室如懸磬 野無青草 穀斛五十萬

掘野鼠 記云李灌等相攻戰長安中盜賊不禁白日

食之 管中興書云中原亂徐龕石勒左右交侵百姓

歲時部 凶荒

歲時部 凶荒

歲時部 凶荒

歲時部 凶荒

歲時部 凶荒

歲時部 凶荒

掘菑茨食之東觀漢記詳前大夫糟糠不足吳志云駱統字公緒八歲時饑

荒鄉里及遠方客多有困乏統為之飲食衰少其姊仁士卒菜菽雜半漢書曰宋義遣其子襄相

將戮力而攻秦久留不行今歲饑民貧卒食半菽軍無

以活民韓子云秦大饑應侯請開倉廩以賑民魏志云黃

升謂之饑 三穀不升謂之饑 四穀不升謂之康

五穀不升謂大侵並穀凶札無關門之征周禮司關

其貨罰其人國凶札則無關門之征 年饑無充庭之

戲續漢書云永初四年詔此年饑加有軍天有四殃

水旱饑荒禮周天既喪亂饑饉秦毛詩注曰荐穀

不熟為饑蔬不熟為饑爾雅云穀不熟曰饑蔬不熟

人飢首陽伯夷叔齊下鬻桑趙宣子初田於首山

食雀穀注主父趙武靈王也 食蒲羸 抱子

士有饑色漢書于里饋不食嗟來齊大饑

易子食楚人闔宋宋師不宿飽

死曾子聞之曰微與其嗟也可去其謝也可食注買而

歲時部 凶荒

其貨罰其人國凶札則無關門之征

其貨罰其人國凶札則無關門之征

何心獨飽

吳志駱統詳前

怒如調飢

詩

囂然思食

目不

不飢何為

有餒而已

衛甯惠子曰吾有餒而不來食之

室家

選文

父子相食

漢河內饑父子相食汲黯開倉而賑之

隱民多取食

隱困窮也

從者莫能興

論語在陳絕糧從者病莫能興

凶荒五

禮

詩元戴表元剡民飢詩曰剡民飢山前山後尋蕨其

劉其得粉不滿掬皮膚皴裂十指禿皮皴指禿不敢辭

阿翁三日不供糜不如拋家去作挽船士却得家人請

官米 張養浩哀流民操曰哀哉流民為鬼非鬼為人

非人哀哉流民男子無緼袍婦女無完裙哀哉流民剝

樹食其皮掘草食其根哀哉流民晝行絕煙火夜宿依

星辰哀哉流民父不子厥子子不親厥親哀哉流民言

辭不忍聽號哭不忍聞哀哉流民朝不敢保夕莫不敢

保晨哀哉流民死者已滿路生者與鬼鄰哀哉流民一

女易斗粟一兒錢數文哀哉流民甚至不得將割愛委

路塵哀哉流民何時天雨粟使女俱生存哀哉流民

淵鑑類函卷二十二

南至濮鉛北至祝粟謂之四極孤竹北戶西王母日下
 謂之四荒九夸八狄七戎六蠻謂之四海言所居近於海春
 秋元命苞曰地者易也言養物懷任交易變化含吐應
 節故其立字土力于乙者為地 又曰地所以右轉者
 氣濁精少含陰而起遲故轉右迎天佐其道 蔡邕月
 令章句曰總丘陵原隰阪險曰地 樂聲儀曰下元者
 地氣也為始萬物生育長養蓋藏之主也 孝經援神
 契曰計九州之別壤山陵之大川澤所注萊洹所生鳥
 獸所聚九百一十一萬八千二十四頃磽确不墾者千
 五百萬三千頃 **壙** 又曰地順受澤謙虛開張開張九
竅受流

淵潤是其謙虛也

尚書考靈曜曰地有四遊冬至地上北而

西三萬里夏至地下南而東三萬里春秋分則中矣
 又曰二十八宿之外東西各有一萬五千里是謂四游
 之極謂之四表據四表之內並星宿內總有三十八萬
 七千里之徑天中央正半之處則一十九萬三千五百
 里地在于中厚三萬里春分之時地在正當中自此漸
 漸而下至夏至之時地下萬五千里地之上畔與天中
 正夏至之後地漸漸而上至秋分地正當天之中央自
 此地漸漸而上至冬至地上萬五千里地之下畔與天
 中平自冬至後地漸漸而下地常升降于三萬里之中

詩含神霧曰天地相去億五萬里 春秋感精符曰
冬至成天文夏至成地理 孔子家語子夏曰商聞
山書曰地東西為緯南北為經周禮又云東西為廣南
北為輪山為積德川為積形高者為生下者為死丘陵
為牡谿谷為牝 老子曰地得一以寧地無以寧將恐
發 墨子曰禽子問天與地孰仁墨子曰翟以地為仁
太山之上則封禪焉培塿之側則生松柏下生黍苗莞
蒲水生鼃鼃龜魚民衣焉食焉家焉死焉地終不責德
焉故翟以地為仁 神農書曰湛濁為地 黃帝素問
曰積陰為地故地者濁陰也 山海經曰帝令豎亥步

自東極至于西極五億十萬九千八百八步豎亥左手
捩算右手指青丘北 河圖括地象曰禹所治四海內
地東西二萬八千里南北二萬六千里有君長之州州
有九阻中土之文德及而不治 抱朴子曰太極初構
清濁始分故天先成而地後定 白虎通云地者元氣
之所生萬物之祖也 淮南子曰天有九部八紀地有
九州八柱 河圖括地象曰崑崙山為天柱氣上通天崑
崙者地之中也地下有八柱柱廣十萬里有
三十大川 軸互相牽制 九州之外有八埏 淮南子曰東
南方曰沅澤南方曰丹澤西方曰泉澤西北方曰海澤
北方曰寒澤東方曰無通澤 河圖曰凡天下有九
區別有九州 中國九州名赤縣即禹之九州也 八埏
云九州八柱即大九州也非禹貢赤縣小九州也 八埏

地部

地部

地

三

之外有八紘淮南子云東方之紘曰棘林曰桑野東南之紘曰荒丘東
曰衆安南方之紘曰金丘曰沃野西北之紘曰一目曰
曰積冰曰委羽八紘之外有八極
方曰東極之山曰開明門東南方曰波母之山曰蒼門東
南方曰南極之山曰暑門西南方曰編駒之山曰白陽門
西方曰西極之山曰閭闔之門西北方曰寒門八極之廣
周之山曰幽都門北方曰北極之山曰寒門八極之廣
東西二億三萬三千里南北二億三萬一千五百里
纂要云嵩泰衡華恒謂之五嶽江河淮濟謂之四瀆上
中下謂之三壤山林川澤丘陵墳衍原隰為五土
徒辨五地之物一曰山林其動物宜毛物其植物宜阜
物二曰川澤其動物宜鱗物其植物宜膏物三曰丘陵
其動物宜羽物其植物宜芟物五曰原隰其動物宜羸物其植物宜

物叢 物理論云地者其卦曰坤其德曰母其神曰祇亦

曰媪大而名之曰黃地祇小而名之曰神州亦名后土

黃地祇舉八極之內地神州王畿方千里內地

淳風撰法象志北戒自積石負終南地絡之陰東及太

華踰河並雷首底柱王屋太行北抵常山之右乃東循

塞垣至濊貊朝鮮是謂北紀南戒自岷山嶓冢負地絡

之陽東及太華連商山熊耳外方桐柏自上洛南逾江

漢攜武當荆山至于衡陽乃東循嶺徼達東甌閩中是

謂南紀 周髀算經曰地不可尺寸而度 博物志曰

地以名山為之輔佐石為之骨川為之脉草木為其毛

土為其肉三尺以上為糞三尺以下為地重陰之性也
莊子曰海水三歲一周流波相薄故地動 文子曰
地方而無涯故莫能窺其門 管子曰地者政之本也
是知地可以正政也地不均平和調則政不可正也
桓公問管子曰地數可得聞乎曰東西二萬八千里南
北二萬六千里出水者八千里受水者八千里 尺子
曰天左舒而起牽牛地右闢而起畢昂 物理論曰地
形有高下氣有剛柔物有巨細味有甘苦 又曰地形
西北高東南下東西長南北短其盡四海者也 申子
曰地道不作是以常靜帝是以正方舉事為之乃有恒

常之道符信受令必行也 蒙叟遺意曰上帝既剖混
沌氏以支節為山嶽以腸胃為江河一旦慮其掀然而
興則下無生類矣于是孕銅于山澤滓魚鹽于江河俾
後人改取將有以苦混沌之靈而致其不起也嗚呼渾
沌氏則不起而人力殫焉

地二

原 坤元 祇位 易曰至哉坤元萬物資生 河圖曰地
里神物之所集 廣大 博厚 易曰廣大配天 地變通
聖仙之所集 廣大 博厚 易曰廣大配天 地變通
不廣且大也人所容足耳 博厚 禮記曰 八柱 九則
博厚所以載物也又曰博厚配地 八柱 九則
曰天有九部八紀地有九州八柱 天地精神通
地也 離騷曰地方九則何以墳之注曰墳分也謂之九

州之地凡九品大禹經緯廣輪並詳五物十
 何以能分九品大禹經緯廣輪並詳五物十
 形上詳地一別之乎揚泉物理論曰夫土地皆有形名而人
 張舒莫察焉有閉塞容有隱真之安有累卵之危有膏英之
 利有瘠瘠有之害此十形者氣勢之始終陰陽之所極也
 母德媪神釐上詳地二天地漢書曰惟泰元尊媪神蕃
 絕維演絡列子曰共工氏與顓頊爭為天子怒而
 故百川歸焉而為渤海張衡西京賦維絕地不滿東南
 曰爾乃振天維演地絡禹使大章步自東
 上詳地一淮南子曰禹使大章步自東
 極至西極二億三千里五百七十五步
 園張華博物志曰崑崙東北地轉下有八元幽都方二
 相牽制萬里地下有四柱廣十萬里有三千六百軸互
 相像以別長九州為九圍人隄地之口九州制八輔
 謙貴貞易曰地道變盈而流謙不貞萬物不天道
 貴信地地道變盈而流謙不貞萬物不天道

本物祖上詳地一白虎通曰地者元氣之所生萬
 不設敬始重方輿大舟圓宋玉大言賦曰地地為輿
 終故謂之始重方輿大舟圓宋玉大言賦曰地地為輿
 動不止譬如人在大舟上取財成化物天垂象取
 閉于地是以尊天而親地易曰凡天地
 財于地是以尊天而親地易曰凡天地
 之數五十五所以成變化而行鬼神
 柱續漢書曰張衡字平子造候風地動儀以精銅鑄成
 之形中有都柱合蓋隆起形似酒樽飾以篆文山龜首銜
 九際如有蟾蜍張口承之牙道施關發機外有八龍首銜
 無際如有蟾蜍張口承之牙道施關發機外有八龍首銜
 激揚因此覺動雖一龍發機而七首不動蟾蜍承之振聲
 知震之所在驗之妙不覺動成怪其無徵數日驛至果有
 也常龍發機而地不覺動成怪其無徵數日驛至果有
 動龍發機而地不覺動成怪其無徵數日驛至果有
 得太空四角下有自然金柱方圓五千里其下
 七表九域有七表張衡靈憲曰元氣剖判清濁異
 地部

位地定于內而體于陰地有九行馬御驥易曰牝
域山川聖人始綱紀而經緯之
行地無疆王弼注曰乾以龍御天
祖道詩曰御天惟龍御地以龍
養材敏樹史記曰顯頊養材以
樹謂植東傾右動南傾王逸注曰
草木柱折故傾也春秋驪市秦樞
山命苞曰天左旋地右動驪市
元命苞曰天左旋地右動驪市
陵作地市生死人交易市平不得
有斷馬利天下樞表淑効白馬篇
間秦地天下樞表淑効白馬篇
八方轉才賢樞表淑効白馬篇
計然曰夫地有五土之宜各有高
五土視其高下若高田宜黍稷下
田宜稻麥丘陵阪險宜種棗栗
曰天子西征至于九阿遊目四野
回雲蔭堂除張華詩曰遊目四野

三得一白帖道生一一生二二生三
白帖地以節事言不至不可強生
曰樞也形相錯如繡李熊說公孫述
白帖地以節事言不至不可強生
禮記曰天無疆地無私載日月無私照
物理論曰天無疆地無私載日月無私照
之根坤之象出日月星辰于地是乎
地又曰坤地也故稱乎母有六體無兩形
地殊無兩形之政矣而談者乃強謂之異體也
故久厚莫如地廣厚萬物承天故定寧無不載
容地勢深厚水泉入聚地道方廣故至厚莫如地
靈憲云地深一億萬六千二百里故至厚莫如地

開益頁白卷三十一

地

二

鎮五嶽 流百川 物理論曰鎮之以五嶽積之以百川

能縮地千里 地動儀 土會法曰大司徒掌與地周知廣輪

名物制其圖辨山林川澤丘陵墳衍原隰之法 不知厚

莫能窺 子貢曰地方而無涯故莫能窺其厚 文 不中矩

無立錐 文子曰至大者無形故無立錐之地 不中矩 河海

所流 雲雨是出 聖證論云普天之下華嶽列居河海

論詳天 崑崙地軸 洞庭地脉 河圖括地象曰崑崙

海經曰洞庭穴在長沙巴陵今吳縣南太湖 萬物以

生 百里充瞻 生理論云發氣黃泉周伏迴轉萬物以

足公承其上千乘之國百里之 厚德載物 舍功牧

功以牧 商於六百 膏壤二千 張儀給楚曰秦商於

從也 商於六百 膏壤二千 張儀給楚曰秦商於

方無隅 帖 生植之功 直方之德 帖 道卑 德方 合

帝君德曰乃順承天曰皇陸贄曰古之帝 道卑 德方 合

又曰道坤至柔而光明也剛至靜而德行 統形 播氣 中

陸士衡曰山盈川冲后土所以播氣 濁陰 積塊 詳

地一列子曰地無積塊 綺分 繡錯 綺分 賦曰疆場

耳充塞 四虛無處無塊 四維 八聽 繡錯 綺分 賦曰疆場

文也 錯如繡 四維 八聽 繡錯 綺分 賦曰疆場

地部 錯如繡 四維 八聽 繡錯 綺分 賦曰疆場

錯如繡 四維 八聽 繡錯 綺分 賦曰疆場

錯如繡 四維 八聽 繡錯 綺分 賦曰疆場

錯如繡 四維 八聽 繡錯 綺分 賦曰疆場

錯如繡 四維 八聽 繡錯 綺分 賦曰疆場

極世流沙于西陲決弱水于北漠所以界四維也又有
 步纂要云東西南北曰四方四方之隅曰四維也
 有八聽孔竅也地後定右迎蜀始分故天先成而地清
 詳地一下神區禹迹中記茫禹迹畫為九州
 碁局金甌聚梁武初議納侯景而未決言我國家
 猶若金甌無一傷缺黃墟青陸淮南子女媧功烈
 今便受地詎是所宜
 墟注黃墟之下有墟土也又曰放乎九天之上
 墟乎黃墟之下有墟土也又曰放乎九天之上
 坤北麗言其孕人中原為雄傑奇偉江南為雌
 星分星斗絕謂峭極也平地六里高二丈餘
 斗絕謂峭極也平地六里高二丈餘
 里四四面斗絕而高謂羊腸九息壤高適論置
 戊疏曰奈何以洪水滔天鯀之息壤以堙洪水開筮

云滔滔洪水無所止極伯鯀乃以息石息壤以填洪水
 相感志云息謂子也填物不耗減掘之益多故禹用填
 在水州地中不可犯畚鍤持畚鍤者即死
 六幕師古云三垂謂東南西南三邊也沃瘠
 公父文伯之母曰瘠上之民莫不嚮義勞也
 猶高隆下也背方州環海外方州抱圓天注方州
 地也序九州是也中國外如赤縣神州者九乃所謂九州
 也序九州是也中國外如赤縣神州者九乃所謂九州
 外天大瀛海環其傾東南起西北
 傾也康回共工觸不周之山柱折地維絕故
 傾幽寒莫張子房赤霆經曰崑崙之柱折地維絕故
 面居秦雍耳目背為項為脊為毳下為鬐鬣上為鬣際
 垂洛胃院出納為鼻幽冀川蜀分左右背懸心關胃腹
 勝脫震澤潔濟青徐以降是為體髀瀉為尾閭注無
 地部

際海洲萬國 青牛嫗 黃金母 遼太祖后述律氏嘗

曾避路蓋謂地祇為青牛嫗云 汾晉村野間語曰欲

謂千箱主問取黃金母意 括地象 益地圖 紀禹世

于河始受圖括地象也 圖言治水之意 集仙錄黃帝

廣黃帝九環及益地圖遂 牝馬行地 龍足立極 易曰

地類行地無疆 以立四極 地三 地之張 景風蕩物地之張也 地之閉 秋風

原載萬物 詳地 成萬物 洪範五行傳云 生萬物 論曰

備成也 萬物 含萬物 物者亦如含天地也 含萬物也 故不

也 故無極 地之張 景風蕩物地之張也 地之閉 秋風

蕩生涼氣肅 然地之閉也 地形高下 物理論曰地者形地氣上際

白濁為地 說文曰元氣初分重濁 滄滯為地 子淮南

重濁者滄 積形成地 水火此積形而成乎地者 積

陰為地 詳地 立地制形 始立地制形 賦度四海在地

成形 易注云形謂 地道柔剛 剛注云柔剛者言其形

也 地道常靜 舉事為之乃有恒常之道 符信受令必行

安 夢書云地者為陰下宜人 地財不貧 慎子曰地有財

雖不憂人貧 伐木刈草必 地平如案 諸葛 厚三萬里

王嬰古 有十二分 春秋內事云地有十 天子方千里

今通論 有十二分 春秋內事云地有十 天子方千里

地 今通論 有十二分 春秋內事云地有十 天子方千里

地 今通論 有十二分 春秋內事云地有十 天子方千里

地 今通論 有十二分 春秋內事云地有十 天子方千里

地 今通論 有十二分 春秋內事云地有十 天子方千里

地 今通論 有十二分 春秋內事云地有十 天子方千里

孟子曰天子之地方千里諸侯方百里又曰諸侯不百里
不千里不足以待諸侯西北高東南下東西長南北短

山鑽石則地痛蚤蟲衆多則地癢

河圖括地象曰西北為天門東地軸見前崑崙

史記二世遣使殺蒙恬恬喟然太息曰我何罪而死乎

良久曰恬罪當死矣起臨洮屬之遼東城塹萬餘里此

其中不能無地肺之山堂肆考金陵者洞墟之膏腴句曲

絕地脉哉地維管子曰地或維之曰地肥良曰膏腴水至則

地維管子曰地或維之曰地肥良曰膏腴水至則

潛確類書東北長維西北地與黃泉隱魄榮也地隱

乾維東南巽維西南坤維地與黃泉隱魄榮也地隱

曼苑詳註地隱如礪確之地不宜稼穡斥鹵之地陷

地不宜果蔬之類土訓掌道地隱以辨地物之

進曰桓元既篡位御淋微陷羣下失色侍中殷仲文

曰當由聖德深厚地所以不能載時人笑之

理論唐賈耽天有日月星辰謂之文地有山川陵谷謂之
之從容百蠻之山川地學凡四裔之使及使人還者必與
豐於產伊川膏腴水陸上田修竹茂樹自城及關
口別項望材吏部侍郎彭龜年兩入皆有地癖唐李澄
任地以任地老忠善占畢緯時有不利而成功亦多先
太史看天師善占畢緯時有不利而成功亦多先
兩郡志耶州尚書坊東井地周百餘步其
地郡志耶州尚書坊東井地周百餘步其
記地郡志耶州尚書坊東井地周百餘步其
此宅氣候最然索莫必於此取土越月者又至謂
並視此宅氣候最然索莫必於此取土越月者又至謂
令公富貴一取身而巳數坑皆深文餘於西北隅者與
猶懼平之身而巳數坑皆深文餘於西北隅者與
地後人將均培皆不克終上地害為上地無小偃豬

下地之行沃平美日域之初出月嶠所處提封也提舉
 四封之上游千里必居上游方嶠陬編隘塞害
 內也具知絕軌馬不通之地斤鹵物曰鹵高平
 之地也陬塞絕軌馬不通之地斤鹵物曰鹵高平
 天下之陸漉而去也水曰行言漫肥濡曰壤壤意也
 也上方下方故孟康曰上方謂北與東也陽氣所萌生
 故為戴日戴斗爾雅距齊州以南戴日為丹穴西北戴
 日所入為太蒙太平之人武注曰戴日戴日之人智
 太蒙之信盜長陵也十仞玉部詩見五色禹貢曰
 杯漢張釋之曰盜長陵也十仞玉部詩見五色禹貢曰
 貢惟土撮禮記曰多塞津朱浮與彭寵書曰亦猶
 五色土撮禮記曰多塞津朱浮與彭寵書曰亦猶
 津與塊受食于野而載之曰有土之象犯居不疾深

居之惡易觀土淺其稼穡作甘稼穡草木不長則草
 不疾惡易觀土淺其稼穡作甘稼穡草木不長則草
 長不配五行而攸序備六府而允脩
 曰任土敷土又曰禹敷土桑土又曰桑土既蠶宅土
 作貢土敷土又曰禹敷土桑土又曰桑土既蠶宅土
 同白壤又曰冀州塗泥又曰惟塗泥墳壚又曰豫州厥
 上墳又曰冀州塗泥又曰惟塗泥墳壚又曰豫州厥
 墳壚青黎又曰青黎州赤埴又曰惟塗泥墳壚又曰豫州厥
 三壤成五土范子計然曰夫地有高下物化蜀王本紀蜀
 賦中邦五土之宜各夫地有高下物化蜀王本紀蜀
 見秦王大怒臣下拜賀曰王蜀王本紀蜀
 志怪漢武擊昆明池極深悉見外墨無復土洛時有憶
 朔朔曰試問西域人至明帝時外國遣人入洛時有憶
 朔朔曰試問西域人至明帝時外國遣人入洛時有憶
 劫言問之對曰劫燒此劫燒之餘吉土郊吉土王者所都
 劫言問之對曰劫燒此劫燒之餘吉土郊吉土王者所都

地樂土 桂林志靜江桂林和平有中州清淑之氣

土詩曰乃立冢土也 茅土 諸侯則割其方色土與之使立

其包以白茅茅取 童土 童土之類書堯聞舜之賢舉之

也童山 食土 開元二十八年春二月懷州三縣人無故

相與言曰今米貴人飢何為生活有父老過之曰何憂

無食此渠水旁土甚佳可食女嘗試之婦人取食味頗

異遂失父老乃取土和麵為餅甚美遠近競取之渠西

東南北十餘步土并盡 雲南志臨安府有落容山其

術舉兵攻皖城術開門自守糧食乏盡士女或九土而

吝之 荆州記武當有一 貢土 長安縣新書天下貢賦惟

水 白土 滑州經常山高邑縣出白土細 捧土 塞津

注 握土 魏志魏明帝起芳林園建昭陽殿公卿 山土

郭璞周訪地圖云荆楚舊為王都欲於映州置之嫌逼

乃掘坑稱土嫌其太輕復瀉本坑土又不滿遂止曰昔

金陵王氣於今不絕固當經三百年矣乃遷都于建業

焉 土踴 族專則土踴 土會 去禮大司徒以土會之

封之 溝 金之父 尚書令命驗曰 成父道 荀秋元命

為言吐也言子成父道也其氣精以附也 粟同價 輔

陽立平三故成生其道也其氣精以附也 粟同價 輔

舊事成帝作延陵及起廟寶將軍有青竹田在廟南恐

犯蹈之言作陵不便乃徙作昌陵取土十餘里土與粟

同氣土騰 氣上騰 土民月令正月雨可拔 築宮飾 賈

傳秦皇飾土 築城蒸 勃事 願身化 吳鄭泉嗜酒

我陶家之側願身化為土 輸官化 張籍野老歌老翁家

幸為酒器實獲我心矣 輸官化 貧在山住耕種小田

地部 附錄 卷二十三

三四畝苗疎稅多不得吐生萬物釋名土吐也權衡

二至潛確類書至前三日垂土炭於衡兩端人下為

土孔子謂子貢曰賜未知為人下者其猶土也深掘之

出焉死則入焉多其功而人臣猶土杜恕篤論曰夫人

不德為入下者猶土也東華軟紅蘇軾詩隱

焉而不辭其重水漬汙焉而不東華軟紅蘇軾詩隱

之從本不計較東華塵土北窻風注云前華陰赤土

雷煥得豐城劍以西山北巖下土拭之光彩華陰赤土

地四

唐賦唐劉允濟地賦曰元氣攸分太極斯判建三才以可久開二儀以貞觀偉坤德之無疆恢地道之幽贊叶

高明而資始孕沉潛而剛斷空徵王母之圖竟勞豎亥

之算用能載九岳振百川蕩雲霧洩風煙羣物畢發衆

象森然飛沉咸遂動植斯甄五億十選二萬八千含靈

應節蓄聖懷仙元命之所包矣彛倫之所繫焉周易以

為理契於牝墨翟以為仁深於天由是開階立隧提衡

建極置羲和之官列司徒之職審其遠近辨其紆直廣

輪之數不憊夷險之情不匿用能峻市朝明甸侯既布

井而陳邑亦列郡而分州窪盈沃瘠之品原野墳衍之

流珍卉奇木之他族鱗介羽毛之異儔詭怪畢備璀璨

咸周銀臺瑤檻元闕丹丘鄒衍之所不議方朔之所難

地部 尚書通志卷二十三 十四

紬禎符應於河象災異紀於春秋 錢起蓋地圖賦曰
有虞氏提地釐享天命光啓九有緝熙八政能使坤德
以寧祥符錫慶神矣王母通靈感聖獻爾寶圖昌爾金
鏡固知冥貺有則休明無極必將永其曆數寧惟錫彼
封域懿茲圖籙實昭應感廣豎亥之遐步資重華之睿
覽規方遠近微妙周通包區寓於度內出山川於卷中
可以明四目達四聰易曰不出戶知天下何莫假此神
功豈徒稽其囊括也 呂太一土賦曰爾其荆河墳壤
淮海塗泥草木漸包於赤埴瓊鐵作貢於青黎火以炎
上為母水以潤下為妻黃白分於雍冀官位列於東西

蒸之以為城闕北連朔野參之以為臺觀上構虹霓夫
其為重也封割五色分茅錫社夫其為厚也包括萬象
含姿育靈雖鼇足初分重濁者為之地而羊角教起輕
清者為之塵授之可薦於宗廟捧之未塞於孟津漢廟
玉環方之則君王納諫豐城寶劍拭之則光彩射人
原贊宋何承天地贊曰九州攸同時惟禹迹爰及後代
疆分里析貢則屢遷名猶不易
原啓梁昭明太子謝勅賚地圖啓曰漢氏輿地形茲未
擬晉世方丈比比非妙匹之長樂唯書古賢儔之未央
止圖將帥未有洞該八藪混觀六合域中天外指掌可

求地角河源戶庭不出豈問千秋目識烏桓之地脫逢壯武方著博物之書

原論晉裴秀禹貢九州制地圖論曰圖書之設由來尚矣自古垂象立制而賴其用三代置其官史掌其職暨漢祖屠咸陽丞相蕭何盡收秦之圖籍今秘書既無古今之地圖又無蕭何所得秦圖書唯有漢氏所畫輿地及諸雜圖各不設分率又不考正准望亦不備載名山大川其所載列雖有粗形皆不精審不可依據或稱外荒迂誕之言不合事實於義無取今制地圖之體有六一曰分率所以辨廣輪之度也二曰准望所以正彼此

之體也三曰道里所以定所由之數也四曰高下五曰方邪六曰迂直此六者各因地而制形所以校奪險之故也有圖象而無分率則無以審遠近之差有分率而無准望雖得之於一隅必失之於他方雖有准望而無道里則施於山海絕隔之地不能以相通有道里而無高下方邪迂直之校則徑路之數必與遠近之實相違而失准望之正故必以此六者參而考之然後遠近之實定於分率彼此之實定於准望徑路之實定於道里度數之實定於高下方邪迂直之算故雖有峻山巨海之隔絕域殊方之迴登降詭曲之因皆可得舉而定者

准望之法既正則曲直遠近無所隱其形也

原文唐顏師古神州地祇祝文曰維某年敢昭告於神州地祇惟祇包涵區夏載負羣生溥彼域中賴茲厚德式遵彝典棟此元辰敬以玉帛犧牲粢盛庶品明獻厥誠備茲禋瘞

增序宋呂祖謙漢輿地圖序曰輿地之有圖古也自成周大司徒掌天下土地之圖以周知廣輪之數而職方氏之圖復加詳焉迨漢滅秦蕭何先收其圖書始具知天下阨塞戶口多少之差然則尚矣武帝元狩六年將立三子為王御史大夫奏輿地圖請所立國名乃開齊

燕廣陵之封輿地圖之名至是始見光武徇河北鄧禹杖策而從之說以大策有天下不足定之語其後帝登城樓披圖指示禹曰天下郡國如是今乃得其一子前言天下不足定何也蓋光武志在天下當神州赤縣未入經略之際其君臣更相激厲如此故能兼制六合司空之所掌無寸地尺天不歸於封域按圖分封並建諸子以為藩屏嗚呼盛哉

郊

原距百里

距國百里

迎四時

月令

迎春

東郊

迎夏

南郊

畫

中畫

周禮

遂適郊

詩適郊

彼在浚

詩在浚

在浚

在浚

在浚

在浚

勞

聘客

聘客至郊勞請賓客鄭當時置驛馬于長安西郊

自我西郊

南郊冬至祀天南郊夏至祀地北郊四郊禮曰四郊多

辱三郊

費誓魯人邑外謂郊謂之郊邑外太學在郊

郊逐

郊迎近郊遠郊郊制疏周制天子畿內千里遠郊百里以

郊制

郊上公五十里侯四十里伯三十里子二十里

男十里

近郊各半之尚書傳曰百里之國二十里之

郊七十里

之國九里之郊五十里之國三里之郊

于郊

農郊農詩稅于郊甸郊謁乾元時李

野

宋表黎步屨白楊郊野道遇一士夫便呼與飲明日

耳

此人謂被顧知到門求進黎曰昨飲酒無偶聊相邀

野一

原爾雅曰郊外謂之牧牧外謂之野 說文曰野郊外

也 尚書曰大野既豬東原底平 詩曰我行其野蔽

芾其禱 左傳曰辛有適伊川見被髮祭野者曰不及

百年此其戎乎其禮先亡矣 又曰晉文公過衛出於

五鹿乞食于野人野人與之塊公子欲鞭之子犯曰天

賜也稽首受而載之 又曰裨謹能謀謀于野則獲謀

於國則否鄭國有難子產載以如野謀四國之事

易曰龍戰于野其血元黃文言曰陰疑于陽必戰 周

禮曰凡國野之道十里有廬廬有飲食三十里有宿宿

地部

通鑑類纂卷二十三

野

有路室路室有委五十里有市市有候館候館有積以待朝聘之官也 又曰遂人凡國祭祀共野牲令野職注野牲鹿麋熊兔之屬 又曰遂人君起野役則令各帥其所治之民而至以遂之大旗致之其不用命者誅之 史記天官書曰二十八舍主十二州角亢氐房心豫尾箕幽斗江湖牽牛婺女揚虛危青營室至東壁并奎婁胃徐昂畢箕紫觜參益東井輿鬼雍柳七星張三河翼軫荆已上星宿分野 黃裳天文圖曰天漢四瀆之精起鶉火至箕尾十二辰斗綱所指謂之月建十二次日月所會元枵至陬訾十二分野辰次所臨天為十二辰

十二次地為十二困十二州已上月建分野 天文志注躔者

星之所履行處天有十二次日月之所躔地有十二州

王侯之所國 周官保章氏以星土辨九州所封皆有

分星以觀妖祥且九州或係之北斗或係之二十八宿

或係之五星此所謂分野也已上星宿分野 天官書曰甲乙

四海之外丙丁江淮海岱戊己中州河濟庚辛華山以

西壬癸常山以北已上干支分野 又曰秦之疆候太白占狼

弧吳楚候熒惑占鳥衡燕齊候辰星占虛危宋鄭候歲

星占房心晉亦候辰星占參罰秦晉好用心腹占太白

北邊數侵掠占辰星已上五星分野 **原**韓詩外傳曰孔子出

游少原之野有婦人哭甚哀問之婦人曰向刈著薪亡
吾簪是以哀也非傷亡簪不忘故也 莊子曰黃帝將
見大隗于具茨之山方明為御昌宇參乘至于襄城之
野七聖皆迷無所問塗適遇牧馬童子乃問塗焉 又
曰北門成問黃帝曰帝張咸池之樂于洞庭之野吾始
聞之而懼後聞之而怠卒聞之而惑蕩蕩默默乃不自
得 帝王世紀曰炎帝戮蚩尤于中冀名其野曰絕轡
之野 穆天子傳曰曠原之野飛鳥之所解羽 山海
經曰大樂之野夏后啓于此舞九代焉 又曰都廣之
野后稷葬焉爰有黍稷百穀自生鸞自歌鳳自舞靈壽

寶華草木所聚 楚辭曰獨不見鸞鳳之高翔于大皇
之野循四極而咸周見盛德而俯下 幽明錄曰桓溫
北征姚襄在伊水上許遜曰不得見襄而有大功見襄
走入太元中問曰太元是何等也答曰南為丹野北為
太元必西北走也果如其言

野二

原廣莫 莊子有大樹患其無用何不樹之廣莫之野 莽蒼 野之 獲麟 西狩大
間鶴 鶴鳴于天 傳築 傳築于野 伊耕 伊尹耕于野 有
麋 野有 無賢 遺賢 食苹 食野之苹 無草 青野無草 適野 叔適
經野 經野 在野 在野 處野 處野 野哭 野哭者

詞彙類編卷之三十三

野

二

野食 鮮 求失禮 禮失而野 哭所知 所知野 灌于野 野同

于易野 易野之守險若丘 沃野 張良曰關中沃野千

給京師 諸侯有變順流而下 大野 書大野 田野 後漢

輒閉門絕 賓暴體中常侍每休沐 草野 上焉者身藏而

德不晦故 自放草 九野 呂氏春秋天有九野中央曰

野而名姓 從之 幽天 西方曰皓天 中野 符融妻

西南曰朱 天南方曰炎 東南曰陽 天 野 茫蕩 樂野 王績

以葬鄉人 以薪葬之 野 古之 寬閒 韓文耕于 樂野 王績

穢行聞越 王黜之託無心子以見趣曰無心子以 樂野 王績

謂之樂野 大樂 廛野 六帖史德義居虎丘山 遯野 遯于

滿野 天文志玉梁策 堅壁 野 憑高 喪朝望給告即

羸服與元結出野憑高窟 桃林 武王放牛于

野三

原詩北齊劉逖秋朝野望詩曰駐車憑險岸飛蓋歷平

湖菊寒花稍發蓮秋葉漸枯向浦低行鴈排空轉噪鳥

若將君共賞何處滅城隅

原贊晉郭璞都廣之野贊曰都廣之野珍怪所聚爰有

羔穀鸞歌鳳舞后稷託終樂哉斯土

原隰一

原高平 下濕 說文高平曰原 爾雅 游龍 樹 穉

詩隰有游龍 赤羅也 石焦 火燎 焦原廣尋長五

十步臨國莫之敢近以服焉見苦子者卻行齊

鳳皇臨潼縣後漢延光初鳳皇集新豐即此

五文潛確類書千畝原在遼州南地廣平約千畝上有

文原在郿縣西南積石原在縣西北魏氏春秋青龍三

年諸葛亮出斜谷郭淮算其必登積石原遂先據之亮

至果不得上因屯渭南司馬懿謂諸將曰亮若出武功

依山東轉是其勇也若西上五丈原諸君無事矣其西

有落星邨即長鳳集虎遊類書白虎原在陝之潛確

星墮諸葛營處鳳集虎遊類書白虎原在陝之潛確

田縣相傳周平王時白虎遊此亞夫屯淵明宅

晉書符融與桓沖戲于白虎原周亞夫屯兵

類書細柳原在昆明池南即周亞夫屯兵

處又淵明宅在栗里原南康府城西

原有菽庶民采之有苓詩隰有苓又有

原隰二

原隰詩周

每每左傳原田每

莽時原野曜威中原以講武使居禮聖人不使

巡行三月勉農人可食爾雅可食試望原龍

鱗龍隰放牛千原增清原左傳僖公二十一年晉

北開原蒞相讓之閒田也至今其田俗呼為耕者東西

七里南五原又後漢五原宜麻崔提為太守斥

詩欵五原春草綠杜韓原故原左傳戰于韓原秦獲晉

侯以細柳原細腰府靈寶縣西南東五里本

里南北長十里當十樂遊杜勝志在瀟南五里本

五步狹如束素故名始平此畜珍禽植奇樹後晉進之上林

樂遊杜勝志在瀟南五里本

陵曰杜陵始平此畜珍禽植奇樹後晉進之上林

地部

崇盤頂函卷二十三

九年夏會于葵丘案孔疏云葵丘齊地臨淄縣西傳稱齊侯不務德而勤遠略西為此會則此地遠處齊西不得近在臨淄故釋例以為葵丘乘丘爾雅注云形似地陳留外黃縣東是為葵丘乘丘爾雅注云形似謂稻田滕垆索地志云泰山有乘丘春秋莊禮取十五年公敗宋師于乘丘是因丘以為名乎取材材用送子詩送子涉淇思賢也詩丘中有麻思賢易貴于丘園夸象實步仞所隱其軀則孽狐為東帛菱菱至拾遺記丹丘為大瑞旋丘詩責衛伯也祥之千年禮狐死正丘首不忘其本故以仁目之何誕之正首禮狐死正丘首不忘其本故以仁目之深穴莊子聽風深穴鑿之患天神出周官云孤竹之管于地上之圓丘祭之仲尼生而史記云叔梁紇禱于丘合樂八變則天神出仲尼生而史記云叔梁紇禱于丘日丘守仲尼州黎丘見爾雅有莘丘有角五色莊

一成為敦爾雅云丘一成為敦丘注云成猶重也周禮云為壇三成今江東呼地高堆者為敦再成為陶濟陰定陶城中有陶丘陳有宛丘爾雅注云今在晉有潛丘爾雅注云今在從長者上禮從而長者所視必非人力為爾雅大阜曰丘非增雲捲爾雅注云今在嚮長者所視必非人力為爾雅大阜曰丘非增雲捲爾雅注云今在海否則雲捲一丘韓愈燕喜亭記太原王弘得異處焉却立而視之出者突珠丘拾遺記曰舜葬然成丘愈請名之曰埃德之丘珠丘拾遺記曰舜葬如雀名曰青齊自丹州而來銜介丘相如傳曰以登青沙珠積成隴阜名曰珠丘介丘相如傳曰以登大也丘封禪言登大山封禪言書曰速營糟言丘吾將老焉言蘄丘潛確類書蘄丘在舊開州左傳桃丘杜預曰東阿縣東南有桃城按今為盟于清丘桃丘杜預曰東阿縣東南有桃城按今為地部崑崙頂西表三十三

桃城鋪鋪旁一丘高可數仞每陰雨後煙霧

中隱隱有市井車馬之形土人以爲蜃市云

帝丘唐書

高宗東封泰山梁父次濮陽帝問寶德元此謂帝丘何

也德元不對許敬宗曰昔顓頊始居此故曰帝丘敬宗

曰人各有能不可無學術德元聞之

陽曲縣金元好問過此見獵者得二鴈一死一脫網去

空哀鳴亦死好問以金贖二鴈瘞之汾水濱壘土爲

晉丘又云晉丘在開封府境又名元池昔簡狄

封丘又云陳留風俗傳封丘本延鄉高祖爲項氏

丘又云鄭人將奔制丘即此武丘又云城塚記周武

水西野宿于武丘夜夢築城在此兼

祭天地可王七百年遂城于武丘

地也沙丘廣沙丘苑臺小丘又云小丘在永州府

有竹樹其中以望則山之高雲之浮溪之流魚鳥之飛

遊舉熙熙焉呈巧獻

技以効茲丘之下

哀丘彙苑詳注唐元結瘞戰士

融丘成爾雅一爲敦丘再成爲崑崙丘再

爲泥丘其上去成泥也

都丘在池澤中言蟲

消丘水出

水出其前作阻

沮丘言恃水爲阻也

正丘水出

義氣有所制止也西方

阿丘如人擔荷物邊偏高也

原鴻漸易鴻漸隼集詩駭彼飛隼莫大爾雅陵莫爲

高孟子爲高陵大阜曰陵深谷爲陵南陵息慎

必因丘陵

地部

洪武類書卷二十三

爾雅東陵隰南陵是也案疏此五方之陵名也西陵威夸

北陵西隰德至山陵孝經援神契曰德穀有二陵左傳塞

上曰穀有北陵文王之南陵則景雲出穀有二陵叔送其

墓也其北陵文王之所避風雨也在彼中陵詩菁

中陵在彼五月升陵以升丘陵堯生于丹陵帝王

懷堯河渚有赤龍感而孕堯山有平陵始興記云堯

下有堯堯五陵原涉傳諸豪及長安五陵諸為氣節

故亭北眺五陵是知霸陵非此五陵之數幽陵顯項

而說者謂高祖以下至茂陵為五陵非也幽陵顯項

東至於蟠木西至於流沙金陵即應天鍾山楚威王

南至於交趾北至於幽陵金陵因其地有玉氣埋金

以鎮之蘭陵孫卿字子蘭陵今常州府城北翟陵

故名回飛動之勢甘陵漢明帝永平中杜陵

在祀縣西南陵甘陵漢明帝永平中杜陵

漢宣帝置茂陵司馬相如病免官居茂陵求馬陵

孫臏度龐涓暮至馬東陵邵平故秦霸陵李廣射

陵伏兵萬弩俱發東陵邵平故秦霸陵李廣射

名後越正勾踐入臣于吳羣臣相之軍陣固陵即此地

也清漳志唐周匡物家貧應賢良科西上至西興渡

無錢不得濟題詩曰萬里茫茫天聖逆秦王底事不安

橋不許受赴召陵齊桓會陰陵項羽迷加陵詳前

註舉人錢莊子莊周遊雕陵陰陵項羽迷加陵詳前

執彈而炎帝陵羊頭山舊傳炎帝陵在澤州高平縣之

今山下有黍二畔其南陰蝦蟆陵國史補曰董仲舒墓

地黍白其北陽地黍紅蝦蟆陵國史補曰董仲舒墓

為蝦蟆陵人訛蝦蟆陵國史補曰董仲舒墓

為康居鳥孫喻白龍堆而寇西邊乃所以隔五鳳述異
 絕匈奴注曰形如土龍無有頭尾高二三丈五鳳賦云
 常陽縣南有龍川鳳引漢武時八陽堆潘岳西征賦
 龍五鳳常遊於此故呼為五鳳堆
 陽堆 陽武之地在沙堆之南陽也高堆晉書
 曜追石虎 漢武嘗遊 梁州記云南鄭城漢上五十
 至高堆 漢武嘗遊 梁州記云南鄭城漢上五十
 為釣臺後人觀其 夸父振履 安定圖經云振履堆者故
 崇基謂之漢武堆 夸父振履 安定圖經云振履堆者故
 故名 門南高望 長安圖云高望堆 夔州灑灑堆
 之 風堆 在平涼府鎮原縣水經注高平城西十里有
 風堆 溝洫志蜀守李冰鑿離堆二江城都中 天堆
 堆 離堆 皆可船行百餘里其利往江引水溉田 天堆
 在建昌府廣昌縣東南江流之中紹聖甲戌一夕雷雨
 大作有沙礫之聲旦日視之屹然一山高丈餘童謡曰
 天雷飛石頭一夜成汀洲五十年何坦始登第官學士
 縣恰四十五年至淳熙十一年何坦始登第官學士

灰堆 錢惟演金坡遺事曰張均在江南將命入貢還
 易簡不協蘇云若更牙盾即將灰堆之句悅其主後與蘇
 至能邨田樂府云除夜將曉婢僕持杖擊糞堆曰打灰
 堆 拂雲堆 唐書曰唐德宗時會吐番攻鹽豐二
 離堆 在敘州府長寧縣城北岸溪上溪中有怪
 石似離堆之象因作其于此榜曰小離堆

原 博雅云登 陂 陂者曰阪爾雅
 可長阪有長松注 茹慮 詩曰茹
 折阪以病去及王尊為三道 穆天子傳曰天子南還九
 刺史過此叱其馭驅之 三道 穆天子傳曰天子南還九
 曲水經注云洛水東逕九曲 八特 阪謂之八特阪
 黃馬 長阪名成臯黃馬 赤須 赤須之長阪 伐木 阪于
 地部 月 黃馬 長阪名成臯黃馬 赤須 赤須之長阪 伐木 阪于

走丸

阪上走丸言其易也

輶轅

文邪徑捷手輶輶者阪名

冥軫

漢書曰河

有冥

輶轅

黃卷述征記曰黃卷阪者透迤長阪所謂潮黃濟

赤土

漢書云西域有赤土之頭痛嘔吐

當陽

造日

古詩修阪

陂陲

賦云馬相如哀二世

曹公

造日

造雲日

長阪

漢書云河東有蒲坂

宮之

透迤

述征記

長阪

漢書云河東有蒲坂

有長

修坂

續述征記

長阪

漢書云河東有蒲坂

以蒲

修坂

然其連征記

長阪

漢書云河東有蒲坂

南六十

修坂

然其連征記

長阪

漢書云河東有蒲坂

馬搏

華陽

志云其險類如牛頭

羊羹

阪潘尼西

阪新

趙簡

子羊腸之阪羣臣

羊羹

阪潘尼西

玉輪

益州

記云汶江

義婦

坂吳郡許升之妻也升

為賊

所害

榮貞烈

自守

黃巾賊起

執節

不聽

寶遂殺

之是夕

疾風暴雨

出錢

助縣

為塚

因名曰

義婦

阜在

成

馳峻

坂漢文

帝從

主不

乘危

今陛下

輕騎

六營

驚車

敗陛

下縱自

輕騎

六營

坂東

方朔

別傳云

孝武

曰憤

上虞

阪車

上虞

阪

鴻門

道餘

口即

沛公

見項

羽處

里十

里內

有曲

郵亭

相

傳為

張良

追高

祖亭

相

長箱

又長

箱阪

在亭

化

屬

長樂

昭宗

御安

喜樓

地部

嶺

嶺

嶺

嶺

之不悅中尉內使錢于長樂阪恭以酒屬濬濬辭復恭
戲曰相公不領復恭作面子耶濬笑曰賊平後方見面
子復恭
蒲阪 秦後秦還蒲因名其地曰蒲阪反古
通之 忌阪 又忌阪在汾州介休縣舊北阪史記曰始
用寫微其宮室築之咸陽北阪上殿屋復
侯周閣相通所得美人鐘鼓以充實之
道中詔白司馬阪營大塚糜費鉅萬蘇珣
拱農上疏切諫則天納焉阪在洛陽
隴

原天水大阪 說文曰隴天
隴名三斷 廣志云流沙在
斷名百里有三 北人升隴 頭流水其聲為咽遙望秦川
斷腸 清晨登隴 張華詩曰清晨登
左穀 垂隴 趙孟于垂隴 魚隴 潛確類書云魚
右隴蜀

府汧陽縣相傳掘地破石得
魚狀鱗鬣俱備可辟衣毒 隴阪 三秦記曰隴天
知高幾里欲上 隴山 晉地道記曰漢陽大坂名曰隴
者七日乃得越 隴關 詳
震關 隴關 上

泥一

原劉熙釋名曰泥邇也邇近也以水復土便相粘近也
說文曰泥黑土在水中者也 周易曰需于泥致寇
至 其道所以招寇而致敵 象曰需于泥災在外也自我
致寇敬慎不敗也 又曰井泥不食下也 毛詩曰如
塗塗附 尚書曰淮海惟揚州厥土惟塗泥 孔傳曰地
左傳曰晉楚將戰呂錡夢射月中之退入於泥 詳

地部

隴

隴

隴

隴

又曰晉悼夫人食輿人城杞者絳縣老人或年長矣趙孟問其縣大夫則其屬也召之而謝過焉曰使吾子辱在泥塗武之罪也 焦贛易林曰需風泥塞常水不溫凌人情怠大電為災 又易林變占曰深水難涉塗泥在轂 德不進虎齧我足 又曰泥滓行辱棄 溝瀆眾所共哭不顯其祿 又曰封豕溝瀆水潦居谷客舍止宿泥塗在腹 易筮卦洞林曰水不下澗雲不登天泥沉致 官守不堅 又曰臨淮太守柳道明令郭璞作卦說之曰法君婦當夢嫁問之果然便教令取井底泥泥竈欲常應道即如法日中塗之至黃昏火凡十起

竈室兩間而止其婦果亡 許氏易文條曰母病腹脹蛇在井傍當破瓶甕井沸泥浮五色元黃 詩推度災曰百姓空虛水泥 魚鼈不滋五穀無收 詩含神霧曰夫齊之地處孟春之位海岱之間土地污泥流之所歸利之所聚 大戴禮曰白沙在泥與之皆黑 春秋漢含滋曰斷木寒水泥土當根 春秋考異郵曰輿重救之地地傷不相動而踴故物淖者易變動 春秋運斗樞曰舜東巡狩至於河黃龍五彩負圖出置舜前黃芝為泥封兩端 爾雅孫炎注曰攝木生江上無有寄枝高三丈生毛一名楓子天旱以泥塗之即雨 史

地部

洪鑑類考卷二十三

泥

三

記曰夏禹水行乘船泥行乘橈 東觀漢記曰隗囂將
王元說囂背漢曰元請一丸泥為大王東封函谷關
又曰鄧訓將黎陽營兵為幽部所歸遷護烏桓校尉黎
陽故人知訓好青泥封書從黎陽步推鹿車載青泥一
襍至上谷遺訓 漢書董仲舒對策曰夫上之化下下
之從上猶泥之在鈞惟甄者之所為 神僊傳曰董奉
居廬山時大旱縣令聞能致雨自將人吏百餘輩運竹
木起屋立成方聚土作泥擬數里取水奉曰不須爾暮
當大雨 隴右記曰武都紫水有泥其色亦紫而粘貢
之用封璽書故詔誥有紫泥之美 漢舊儀曰天子

六璽皆以武都紫泥封之 輦隅子曰腐薪不可以撻
兵煥泥不可以膠物猶釋老不可以持天下也 唐書
曰封禪儀玉牒玉策盛以金匱纏以金繩封以金泥印
以受命之璽而玉牒藏于山上以方石三枚為再累纏
以金繩封以石泥印以受命之璽 葛洪曰舉秀才不
知書察孝廉濁如泥第賢良吝如鼃 古靈曰安國和
尚已說法老僧不可于土上加泥 明紀事本末曰科
臣王士性言淮安高寶興鹽諸生民託之一丸泥決則
盡化魚鼈

泥二

地部

增監類函卷二十三

泥

原止馬

傳曰晉戎馬還薄而止與馬廉范叔度奔國喪

亦未命從吏下馬牽與之不告姓名而去後訪主將

歸之果言然數斗石其泥數十

是果賢行狀云鍾結字季明為司徒掾言司徒今日乃獨

不顧時察府向閣鈴下疾令捐摻屬公奮手出淖楚戰公

候手沖樂書欲載皆投初出皓曉之乃止出淖楚戰公

泥載塗詩雨雪載塗若泥古詩安若不避庶人送

泥相粘釋名詳胡為泥中詩流汗中遠不避庶人送

浮圻國蘭金泥也以紅泥又曰王元寶巨富用紅泥

餘寄黃封厭白泥誠齋謝茶詩曰石花紫筍青泥

見紅泥滿眼紅白泥可衙官赤印白泥牛走爾

碧確類書曰周襄弘敬王時為大夫被讒殺于蜀血紫

泥詳泥雪泥盧綸詩判詞花落井泥李商隱有六

一泥上清經云真丹秘訣先以黃丹三五斤漸築令實

詩注藥泥黃土蚌粉赤石脂食鹽六連金泥十洲記

味各重一兩水調用之名六一泥

膠又各連金泥連

刀劍斷折之金

泥三

贈賦唐鄭惟忠泥賦曰嘉鴻鑪之造化物無象而不甄

惟茲泥之為質諒稟之於自然雖體潤性柔而名卑質

賤不同塵以苟出必感澤而斯見信厚地之所生匪膏

地部

泥

兩而不變同賢良之韞積候聖明而方薦若乃花水行
落莢雨將餘交衢蓄潦曲浦含於望之疑實積之也虛
動而為有靜而為無苟具形之所躡必觸類而圖諸託
龜文而成印寫鳥跡以為書蹤發追風之馬轍開流水
之車於是陶鈞賦象刻削成器以土為質以水為位位
去質存復歸于地彼木偶之漂泊萍流之自恣推移兮
莫識其始終泛濫兮莫知其所至若乃蘊凋草於開館
含芳樹於禁闈不緇白玉之彩徒混隋珠之輝帶晴牛
而甃落逐春燕而還飛何茲物之無識亦應命以知機

沙一

原許慎說文曰沙水散石也疑水少聲也楚東有沙水

聲

類曰沙水中細礫

周易曰需于沙小有言終

吉

王弼曰近于難故曰需于沙也不至致寇故曰小有言

尚書曰西被于流沙

禮記曰自西河至於流沙千里而遙

維州城也

易通卦

驗曰巽氣不至則城中多大風發屋揚沙禾稼盡卧

焦贛易林曰南上太山困於空桑老沙為石牛馬無食

又曰海老水乾魚鼈盡索高落無澗獨有沙石 河

圖曰崑崙之東十萬里有六秦之國人民長三十丈亦

壽萬八千歲不知田作但食沙石子 又曰辰星位北

方主災哀哭大喪圖襄之憂亦主川沙石 洪範五行

地部

州部

沙

傳曰蚺者一名短狐吳越熱地所生口中有骨形如小
弩常居水中含沙射人則令人生瘡甚則殺人 韓詩
外傳曰孔子南遊適楚至於阿谷之隧有處子珮瑱而
浣者孔子曰彼婦人其可與言乎抽觴以授子貢曰以
觀其語子貢曰逢天之暑願乞一飲婦人受子貢觴促
流而挹之坐置之沙上曰禮固不親授 大戴禮曰蓬
生麻中不扶乃直白沙在泥與之俱黑是故人相與也
譬如舟車然相逐走也 春秋運斗樞曰土躍沙城后
黨盛耶 春秋潛潭巴曰水逆流陰氣盛不及上令其
揚沙下不爭天子失道聖人受命 邯鄲倬五經折疑

曰甲女子道逢暴風飛沙發屋惶怖走欲趣乙門凶凶
懼欲閉門甲女求欲入門為乙門所竿死乙何罪吏議
以為當坐殺人當棄市也 龍魚河圖云蚩尤兄弟八
十一人皆銅頭鐵額食沙石 家語曰得其人如聚沙
而雨之非其人如會聾耳而鼓之 史記曰殷紂厚賦
稅實鹿臺錢盈鉅橋粟益廣沙丘以酒為池縣肉為林
長夜之飲 又曰始皇二十八年作琅邪臺立石刻頌
秦功德曰西至流沙南盡北戶東有大海北過大夏
又曰高祖在雒陽南宮從複道上望見諸將往往相與
沙中坐語曰此何語留侯曰此謀反耳 又曰武帝元

狩元年旱於是天子乃禱萬里沙應劭曰萬里沙祠也在東萊曲城孟康曰

沙運三百里又曰項羽擊漢軍大破圍漢王三匝於是大

風從西北起發屋揚沙石窈冥晝晦楚軍大亂漢王乃

得遜去又曰張良以鐵鎚擊秦始皇於博浪沙中其

副車漢書曰郎中侯應曰幕北地平少草木多大沙

少所隱蔽又曰韓信擊龍且夾濰水陣信乃夜令人

為萬餘囊盛沙以壅水上流信引兵半渡擊龍且東

觀漢記曰上令朱鮪等遂會城南涓水上沙中設壇立

聖公為天子又曰上令王霸前瞻水霸欲如實還報

恐驚官屬即言可渡遂前至比冰合可渡馬欲僵各以

囊盛沙布冰上乃渡司馬彪續漢書曰冲帝建康元

年九月京師及太原鴈門二郡地震沙涌又曰虞詡

從弟遜客長沙詡迎與俱江水縣墮船詡投水中救之

一浮一沒遇沙得皆不死魏書曰烏桓俗其亡叛為

大人所攝者諸色落不肯受皆逐之使至壅狂地地無

土有沙漠流水草多蝮蛇在丁零之西南又曰袁紹

連營依沙堆為屯東西數十里曹公分營與相當合戰

不利紹復進臨官渡曹瞞傳曰公軍渡渭地多沙不

可築壘婁子伯說公曰今天寒可起沙為城以水灌之

可一夜而成王隱晉書曰太尉陶侃袁謙為高涼太

地部

守未至百餘里浦中有蜜蜂蔽日而下謙船上明早卒
 遇大風飛沙天地合復得還浦遂投海中 又曰惠帝
 咸寧十年洛中謠曰南風烈烈吹黃沙遙望魯國鬱嗟
 峨前至三月滅汝家 南風賈后字 習鑿齒漢晉陽秋曰惠
 帝永康元年冬十月乙亥日鬪黃沙四塞十一月戊午
 朔大風從西北來飛沙石六日乃止 三十國春秋曰
 秦將苻雄攻王擢敗之擢單馬奔京初有童謠曰十斗
 二升沙誰為王擢屬家 後魏書曰刁雄為薄骨律鎮
 將上表曰奉詔高平安定萬及臣所守四鎮出牛車五
 千乘運屯穀五千萬斛付波野鎮以供軍糧臣鎮去波

野八百里道多深沙輕車來猶以為難設令載穀不過
 二十石每至深沙必至滯陷 宋元嘉起居注曰劉亥
 之北征上計曰以今月十二日入泗口緣道把沙開溝
 以夜繼日日才行十餘里或七八里 列僊傳曰主柱
 者不知何許人也與道士共上宕山言此有丹沙可得
 數萬斤宕山長吏知而上山封之沙流出飛如火乃聽
 柱取邑令章君明餌沙三年得神沙飛雪服之五年能
 飛行遂與柱俱去云 劉根別傳云潁川太守高府君
 到官民人疫郡中掾吏死者過半夫人郎君悉得病從
 根求消除病氣之術根曰于廳事之亥上穿地取土沙

地部

尚書卷二十三

沙

三斛著以醇酒三升沃其上府君從之病者悉得愈疫氣絕郡國志云伊州鐵勒國路多沙磧磧內聞叫喚聲不見人或聞歌笑之聲蓋鬼物也

增辰星 辰星主沙玉女沙玉女沙在登封縣三交水傍有

宮雜以香藥可當唱籌宋檀道濟糧乏夜唱炊飯櫻

豆屑號玉女沙 唱籌 籌量沙全軍而返 炊飯 櫻

經若不絕姪脩禪定者如炊沙而欲其成飯經曰錦沙

千百劫只名熱沙 山谷詩炊沙作糜終不飽 錦沙

寰宇記嚴州清溪有錦沙大沙幕北多沙龍沙贊超

邨素波澄映錦石舒文鶴沙在沙海縣一名下沙浦宋

尺龍沙也鶴沙時宣城吳潛侍父讀書于此後為開慶

相囊沙史記見搏沙蘇軾詩偉哉造物真豪縱攬土

還自散 洹沙 維摩經取三千大千世界如陶家流沙

尚書詳沙 一子 宋史曰張宗誨字習之宰相齊賢子累

鑑湖今萬少伊溼天昔賀秘監以道士服東歸明皇賜以

宗詢曰吾作白頭老監枕書而眠何以賀老流沙之服

為沙堤 唐李德裕為宰相罷京兆沙道 羅舊尹沙道

尚依然 唐國史補曰凡宰相禮絕班行府 紅沙雨

縣載沙填路自私第至於城東街號曰沙路 紅沙雨

元史順帝至元四年四月暴風大雨雪壞民廬舍明日紅

沙陰霾馬牛多 金沙渡 命靖遠伯王驥討麓川思機

斃人有死者 孟孟養在金沙江去麓川千餘里諸部

皆震怖曰自古漢人無渡金沙江者今麓川師至此真天

威也 還兵與思祿約許以土目勤諸奇居孟養

故地復立石金沙江為界誓曰石爛江枯爾乃得渡

罷沙田 問曰孝宗時武臣梁俊彥請稅沙田蘆塲帝以

沒不常且辛巳軍興蘆塲田租並復今沙田不決沙灣
勝其擾上曰誠如卿言是日詔沙田蘆塲並罷
又曰正統時河決滎陽入漕潰
沙灣入海景泰時又決沙灣

塵一

增說文云塵作麤鹿行揚土也今作塵又久也 又曰
蒙塵而欲無味涉水而欲無濡不可得也 **原**詩曰無
將大車維塵冥冥 禮記曰凡為長者糞之禮必加箒
於箕上以袂拘而退其塵不及長者 又曰前有塵埃
則載鳴鳶 左傳曰晉楚戰于城濮狐毛設二旆而退
之欒枝使輿曳柴而偽遁 曳柴起塵 作衆走 老子曰和其光
同其塵 莊子曰野馬也塵埃也生物之以息相吹者

也 淮南子曰地不滿東南故水潦塵埃歸焉 謝承
後漢書曰范丹字史雲所居單陋有時絕糧閭里歌之
曰甑中生塵范史雲 山海經曰黑水之南有元蛇食
塵大人之國有大青蛇頭方食塵 郭子曰庾公名位
漸重足傾王公時庾亮在石頭王公在城忽風起揚塵
王公以扇拂之曰元規塵汚人 博物志曰徐州人謂
塵土為蓬塊吳人謂塵土為埃垝 應璩與曹公箋曰
昔漢光武與戴子高有撫塵之好 蔡邕勸學曰蟻無
爪牙輒弱不便穿穴洞地食塵飲泉 李康遊山序曰
蓋人生天地之間也若流電之過戶牖輕塵之棲弱草

地部

楚辭曰安能以皓皓之白蒙世俗之塵埃哉

林曰劉道真年十五六門前弄塵

原生羅韞洛神賦曰羅韞生塵化素衣京洛多風塵揚滄海神仙傳王君平曰聖動梁上公虞

善歌發聲生甌中一詳塵揚滄海人言海中復揚塵

增高山能成其高大浮清路古詩云君為清路塵妾

凝榭芳塵滿席芳塵望之而拜岳塵上而囂州伯

楚軍望車軌塵馬步塵名將望塵而紅塵清塵

黃埃晝昏紅塵四合增拾甌家語曰願回積牀

世說曰晉簡文為撫軍時見牀上塵不拂視鼠形跡為佳

彦回歎曰虞君之清吹香拾遺記曰石虎太極殿樓

至使數百人於樓上凝席獨處一室凝塵滿席澹如也

吹之名曰芳塵臺西王母駕元鸞之輿至增所點墨華

拂階洞冥記曰西王母駕元鸞之輿至增所點墨華

經曰假使有人磨以青桂風至自拂階上遊塵點墨

大如微塵又過千國土復過于東方千國土乃下點墨

師知佛土若算犀南越志曰犀州巨海有大犀

異曰辟塵犀婦人為簪梳塵不著髮麴市李商隱詩

羅之麴塵飛雪白重抗塵容北山移文曰抗結紅

霧開元遺事曰長安春時盛于遊賞故蘇頌應制曰飛

中聚輕紅帝詩詳後穢清流塵容而俗曰飛

拂世說朱梁趙凝氣貌甚偉每整衣冠使人持巨鑑前

地部照之烏巾上微覺有塵即令侍妓持紅巾拂去之

謂世道如天

謂世道如天

謂世道如天

紅袖拂

青箱記魏仲先與寇萊公遊陝郊僧寺多留

詩

獨塵昏滿時有同到見萊公詩已用碧紗籠而仲先

徐曰

若得時將紅袖拂也應勝似碧紗籠萊公大笑

三斗塵

潛確類書寧食三隔兩塵于卒伍子威

師事

之一日辭去謂子威曰郎君得道尚隔兩塵

清塵

盧謙贈劉琨曰儒謂之世釋謂之劫道謂之塵

錫旌

對客塗竄其文後為汝州僧儒出鎮漢南枉道汝州

塵

禹錫和云猶有當時舊冠劍待公三日拂埃塵牛意

稍解

曰三日之事何敢當焉蓋唐制三日後主印升降

也

百官婦人囊塵沖令婦人各將一囊盛塵皆騎牛

班隊

何在于是奔競而進皆毀囊揚塵埃霧連天莫測

大敗

所暉塞下揚塵福曜能擊平緬乘夜至怒江詰旦

徑渡令騎馳躡
下揚塵以警之

塵三

增賦唐謝偃塵賦曰若夫陰風發陣雲屯鼉鼓震紅旗

翻千乘動萬騎奔中原以之黯色白日為之晝昏其興

也勃其息也漸或聚或散乍舒乍斂細不可拾輕不可

掩蒙籠篋笥纂歷茵簟隨時無競應物不違值細雨而

暫息逢輕風而復飛霍霍靡雰雰霏霏將晨軒而並

出與暮蓋而同歸任動靜而無累似識變而知幾若夫

拂珠履生羅韞積菱鏡而鸞沉下雕梁而歌發散瓊臺

而類粉布玉階而似雪蒙鳳輦于銅衢翳龍媒于金埒

地部

有動必隨無空不遍出入青瑣游揚紫殿流細影於迴
裾亂浮香於舉扇隱洞房而難覩因隙光而可見既洋
溢若浮煙又散漫如流霰 蔣防隙塵賦曰觀乎杲杲
初陽沉沉闔室纖光乍進爰委其質忽煙涵而霧貫每
延風而寫日透綺帳而偏明暖丹楹而乍失隨明則著
在映而彰似有情而聚散若任理以行藏漠漠如流翳
白駒之逸影濛濛不息起清唱于雕梁散漫迴環空蒙
舊練謂醯雞之乍覩疑野馬之潛見不爭鄰女之光不
雜寒階之霰 趙蕃賦曰是以杳如有待紛若無機穿
棟宇以光小拂簾櫳而色微片影方呈似鑿幽人之室

輕文靡定如緇遊子之衣故其餘照乍沉纖埃旁達既
在陰而不昧將耀質而難奪亦何必越汪洋散空闊願
依大廈之內永寄流光之末

原詩晉傅元飛塵篇曰飛塵穢清流朝雲蔽日光秋蘭
豈不芬鮑肆亂其芳河決潰金堤一手不能障 梁簡
文帝詠梁塵詩曰依帷蒙重翠帶日聚輕紅定為歌聲
起非關團扇風 徐摛賦得簾塵詩曰朝逐珠胎卷夜
傍玉鈎垂恒教羅袖拂不分秋風吹

田一

增詩曰俾彼甫田歲取十千 又曰大田多稼 又曰

地部

田部

塵

澹彼阪田 又曰雨我公田遂及我私注云公田者方里而井井九百畝其中為公田八家皆私百畝而同養公田也 又曰田畯至喜注云田大夫勸農之官也 禮記曰人情者聖王之田也 王制曰古者公田藉而不稅 又曰圭田無征注云卿大夫士供祭祀之田也 圭潔也 又曰名山大澤不以封其餘以為附庸閒田 諸侯之有功者取於閒田以祿之 左傳曰牽牛以蹊人之田 又曰晉邢侯與雍子爭鄙田 又曰齊人歸我汶陽之田 又曰原田每每舍其舊而新是謀 戰國策曰淳于髡曰道旁見穰田者操一豚蹄酒一盃

史記曰漢立靈星祠以牛龍左角曰天田即農祥星也 晨見而祭之 又曰蘇秦曰使吾有負郭田二頃豈能佩六國相印耶 前漢書曰限民名田 又曰趙充國曰屯田內有亡費之利外有守禦之備 齊書曰元嘉末青州饑劉善明家有積粟開倉以救鄉里百姓呼其田為續命田 隋書文帝紀曰均天下田 隋書食貨志曰宇文融括籍羨田 唐書曰婁師德檢校豐州都督衣皮袴率士屯田積穀百萬兵以饒給無轉餉和糴之費 又曰張儉徙代州檢校都督勸墾田力耕歲數稔乃建平糴法入之官由是積儲流贏 宋史曰賈似

道買公田以罷和糴 文中子曰通有先人之敝廬足以蔽風雨薄田足以具饘粥讀書談道足以自樂不願仕也 古詩曰君子防未然不處嫌疑間瓜田不納履李下不整冠 列仙傳曰麻姑曰東海三變為桑田 杜甫詩曰石田茅屋荒蒼苔 蘇軾詩曰我生無田食破硯注唐人以硯為良田舌耕而筆耒

田二

增九等 周禮注疏六卿之外有九等之田廛里場圃宅田士田賈田官田牛田賞田牧田 **公** 唐六典凡在京諸司有公廩 **養士** 張洽為白鹿書院長凡養士之 **種玉** 漢揚雍伯作義漿飲行者三年有

人出石了遺之曰種此生美玉後雍伯嘗求徐氏女徐云須白髮一雙可許聘于田中得白髮遂聘之 **以書當田** 又有解官歸者虛斥田數十頃以誇之虞仲 **喻禮于田** 禮也為禮不本于義猶無耜而耕也為義而不講之以學猶不 **與嫂爭田** 逸民傳高鳳為太守而安之以學而不得免乃許與寡嫂爭田由是不仕 **買墓前田** 南史郭原平父母墓前有田不欲人裸體耕衰慢乃買家貴貴買其田東帶耕墾 **增** **邨一** **增** **吳越春秋**曰越有木客邨者老云句踐使工人伐木欲以獻吳久不得歸工人憂思作木客吟後人因以名其地 **吳興記**曰上若邨下若邨俱出美酒 **潛確類**

地部

地部

田

田

書曰樓桑邨在順天府涿州漢昭烈故居 又曰濠州
鍾離縣有禹會邨 又曰魯源邨在兗州府曲阜縣尼
山南世傳叔梁紇居此 又曰窮桑邨在曲阜縣魯城
北少昊氏自窮桑登帝位即此 又曰朱陳邨在豐縣
一邨惟兩姓互為婚姻 又曰三田邨在西安府臨潼
縣田真兄弟分而復合荆花再生即此 又曰水香邨
在襄陽府宜城縣唐段成式別業 又曰池州府秀山
門外有杏花邨杜牧詩遙指杏花邨即此 又曰西湖
邨在德安府孝感縣宋太祖微時嘗索酒邨姥家姥持
酒進言權禁甚嚴此私釀幸密之後登極特寬西湖酒

禁 又曰小常邨在延平府境宋時叛卒楊勅寇劔州
過此掠一婦人欲污之婦誓死不從遂遇害賊退收瘞
其屍遺跡宛然不滅每雨則乾晴則濕削去即復見覆
以他土則愈明 又曰梅花邨在羅浮山飛雲峰側趙
師雄一日薄暮于林中見美人淡妝素服行且近師雄
與語芳香襲人叩酒家共飲少頃一綠衣童來且歌且
舞師雄醉而卧久之東方已白視大梅樹下翠羽啁啾
參橫月落但惆悵而已

邨二

增 絳帳

錦沙

潛確類書曰絳帳邨在扶風馬融嘗過
此 又曰錦沙邨在嚴州府淳安縣傍

巖依壑錦石素波吳喜歎

曰名山幽谷故不虛賞

順縣魯神連所居又曰樂毅在遼州和

昭君又曰伏波在荆州府歸州一云昭君生於陝州故曰

有昭君里雍門又曰角里先生故里又曰雍門

鼓琴使孟嘗君泣下者即此

人故里名戚姬又曰莫愁在安陸府城西漢盧

家有女名莫愁善歌舞嘗召入楚宮鄭谷詩石城北背有

莫愁君老環居此故名

杞人軒軒有溪多枸懸水斷石莊子曰呂梁懸水

梁為懸水軒即百步洪也東坡詩云亂山合沓圍彭門

官居獨在懸水軒潛確類書曰斷石軒在徽州府休

寧縣舊名吳口軒西南有石鋒下臨深溪嘗有兩舟泊

此一祭一不祭其夜神人徙祭者舟北岸有石自絕鋒

墜碎不祭者舟石墜處遂成石室

墩

潛確類書曰千墩在蘇州府崑山縣東南地名木瓜

有墩九百九十九與此合為千墩故名又曰皇墩在

徽州府歙縣西南河濱其地多竹有晉新安太守黃積

丘墓梁程靈銑故宅在焉墩之河流入歙水湖中有蜃

見夢于靈銑曰吾為呂湖蜃所厄君助吾靈銑如其言

彎弓射後蜃中之侯景之亂銑統鄉兵萬人保新安有

功至今廟食又曰天女墩在崑山縣東南洪庄軒墩

之上下皆茅葦惟中間一路若經人行雖植草不生相

地

潛確類書卷之二十三

墩

四

傳有帝女葬焉未知何代傍有金龍舟每風雨夕即聞金鼓聲邨民夜過其處見所謂龍舟者攫取之僅得一人像可尺許及歸即大病又嘗有人欲發此為毒蜂飛火所逐而止 又曰金陵有謝公墩謝安石所居後王安石亦居之 又曰野湖墩在衢州府西安縣廣環二十餘丈高十丈獨立江濱花卉蒙茸與野湖相望曰筍墩圓石如筍卓立溪中故名

坡

曾潛確類書曰紅草坡在保定府東鹿縣唐裨將張興之墓餘卉皆綠草獨紅相傳為忠血所化 又曰棄金

坡在青州府安丘縣華歆擲金處 又曰峩嶺坡在平陽府臨晉縣北東連猗氏西抵黃河又有大嶷小嶷南北並峙如九疑分支也 又曰孫臏坡在遼州和順縣西南山勢盤曲西接馬陵關相傳孫臏伏兵于此 又曰馬嵬坡在西安府興平縣唐楊妃葬此 又曰雞鳴坡在興安州紫陽縣高出雲霄昔漢高祖微時行聞雞鳴而止即此 又曰滾鐘坡在荊州府宜都縣東古有金鐘寺忽一日寺鐘滾出行者見之大驚挽拽不勝遂入江去至今山坡有滾鐘迹 又曰石柱坡柱高三尺在鬱林州相傳馬伏波所立 又曰望仙坡在南寧府

淵鑑類函卷二十三
城東北相對羅山古有羅秀者脩煉山頂土升而此坡
與之正對故以望仙名家狄青孫沔余靖征儂智高駐
師于此陶弼建三公亭于此 又曰大成坡在鶴慶府
城東南頂有泉圓徑尺許深如之終歲不溢盛夏不涸
相傳南詔蒙氏過此三軍無水渴甚拔劍插地泉隨湧
出至今行人資焉

淵鑑類函卷二十三

